



元詩體要卷之十一

姚江宋公傳編選

七言律

杭州拱北樓

趙孟頫

城上高樓接太霞
令嚴鍾鼓寂無譁
提封內向三千里
比屋同封百萬家
心在江湖存魏闕
身隨牛斗泛仙槎
舉頭便覺長安近
時倚闌干望日華

岳陽樓

梁魯

樓前秋水健帆開，樓下涼風舞袖回。
萬里舟航通鳥道，四時雲雨護龍堆。
江山如北不一醉，歲月幾何能再來。
欲問老髯求鉄笛，月中吹上紫荆臺。

武昌南樓

施鈞

鸚鵡洲邊艤客舟，憲君邀我上南樓。
胡床老子三更月，鉄笛仙人一曲秋。
流水白雲吳夏口，西風黃鶴晉磯頭。
如今盡屬王孫草，添得江南幾許愁。

易臺

劉因

望中孤鳥入消沉，雲帶離愁結暮陰。
萬國山河有燕趙，百年風氣自遼金。
物華暗與秋光老，杯酒不隨人意深。
無限霜松動岩壑，天教搖落助悲吟。

姑蘇臺

劉致

麋鹿應知易代頻，吳趨誰唱不堪聞。
捧心臺暗梨花月，抉目門深薜荔雲。
江閣水犀歐冶劍氣騰，金虎闔閭墳計然已死。
鴟夷逝寂寞五湖西。

日曛

淮陰廟

陳孚

漢家羅網政高張誰有勲名紀太常戲尔築壇
呼大將危乎操印立真王烟中草木疑殘幟沙
上風濤憶故囊鍾室千年君莫然未央宮殿已
斜陽

又

傅若金

淮陰千古英雄恨楚樹荒荒夕照殘水夾廢城
春草合雲昏遺廟野花寒封齊安用真王印興

漢空餘大將望高帝旌旗俱寂寞斷碑零落後
人看

項羽廟

施鈞

當日秦陽可滅劉却綠不聽范增謀徒勞百戰
爭秦鹿豕得千年笑楚猴父老江東能王我故
人樓下忍為侯騅兮不逝虞兮別淚洒西風一
劍愁

南陽諸葛廟

吳璋

臥龍岡上拜荒祠惆悵當年枉顧時未許三分

讓孫策豈徒十倍過曹丕半生艱苦思興漢兩
表殷勤叙出師王業未安天命改英雄千載有
餘悲

又

劔江千里綠沄沄五丈原頭日又曛舊業未能
歸後主大星先已落前軍南陽祠廟荒秋草西
蜀關山隔暮雲正統不慙傳萬古莫將成敗論
三分

趙御史志養堂

趙孟頫

志養堂前駸馬歸融融喜氣滿庭闈能令將種
為書種可是斑衣勝繡衣手樹藜萱侵雪色心
同寸草報春暉不須更上陳情表親壽康疆世
所稀

劉京叔歸潛室

薛玄義

獨構茅堂養道真滿前俗事罷紛紜磻溪夜釣
波心月汾曲春耕隴上雲長咲熊羆勞應夢肯
教猿鶴怨移文近來傳得安心法萬壑松風枕
上聞

費無隱丹室

虞集

碧雲雙引樹童童除却仙經戶牖空一逕綠陰
三日雨數聲黃鳥百花風年深不記栽桃客夜
靜長畱採藥翁幾度到來渾不語却依秋影數
冥鴻

壺洲

傳聞海上有玄洲曾是安期舊所遊千頃白雲
都種玉一椀弱水不勝舟魚龍夜護黃金鼎
鵠晨朝紫綺裘波浪不驚星斗近步虛聲裏度

清秋

方壺

傅若金

蓬萊圓嶠對峩峩知有群仙日日過琪樹曉通
雲氣近羽輪秋會月明多秦人採藥空依海漢
使乘樓但入河誰識高齋有仙島不勞萬里涉
風波

攸寧庵

薛玄義

高興何如向子平男婚女嫁一身輕白雲在望
頻登隴黃髮為期少入城璽室已營身後計鳳

笙時聽月中聲江淮十載風塵滿回首誰應似
獨醒

柳南小隱

陸景龍

參軍家住南湖上楊柳蔭門春水生落日池臺
看洗馬東風簾幙聽啼鴉長條拂翠陰垂地三
月飛花雪滿城每為論兵來好客傍人錯認亞
夫營

半村

張翥

半距城闌半距村烟霞咫尺少塵喧小車入市

僕先路斜日下山人到門兩岸花陰連第宅一
川草色散鷄豚田家數里將迎慣時復相番醉
酒罇

宋陸秀夫抱惠王入海圖

姚燾

紫宸黃閣共樓船海氣昏昏日月偏平地已無
行在所丹心猶數中興年生藏魚腹不見水死
挽龍髯直上天板蕩純臣有如此流芳千古更
無前

商山四皓圖

普夢明

劉氏何如呂氏安
尺書便爾闌重闌
空將冀雪驚隆準
不道啼紅慘玉顏
鴻鵠聲寒悲曉殿
紫芝香冷怨秋山
千年猶昧深根術
又落巴童橘樹間

周昉畫美人圖

虞集

馬上雲生日轉簷
海風吹雨暮寒尖
春明玉色遺瀨澤
夜定珠光入鏡奩
織得鴛鴦隨綠皺
教成鸚鵡啄紅甜
試令鼓瑟應無語
目斷歸帆思未忺

周冰壺畫四美人圖

雅琥

唐宮題葉

來毫將恨付霜紅
恨自綿綿水自東
金屋有閑巖虎豹
玉書無路托鱗鴻
秋期暗度鶯催織
春信潛通悞守宮
只恐天河音信杳
明年錦樹又西風

崔徽寫真

舞鸞粧鏡減鉛華
毫素無聲散彩霞
夜月影寒分桂魄
春水暈薄映桃花
夢隨圖去憑青鳥
愁

逐書來點墨鴉未得離魂如倩女衰容先我到
君家

洛神

新宮簷瓦化鴛鴦飄蘭湄鳴盡去國遙謾說君王
番寶枕不聞仙子和鴛鴦驚鴻易沒青林月沉
鯉難憑碧海潮腸斷洛川東去水野烟汀草共
蕭蕭

二喬

珊瑚交加玉樹重鴛鴦難偶雲難容共思漢事

隨流水各對吳儂感遠峯洛賦未成梁月墮胡
笳已斷塞雲濃人間流落渾相似猶勝淒涼泣
暮蛩

題畫

虞集

緝熙殿裏御屏風零落誰收百歲中錦樹松含
春雨露畫橋猶是舊青紅花開陌上樓歸燕潮
落江頭送去鴻何似綠波生太液絳桃風急彩
船東

孫宰金碧山水

昔代香山避暑宮中天積翠立芙蓉雲生金水
三春柳露滴銀床五粒松飛瀑橋長通窈窕斷
堤人倦立後容舊時行處令看盡烟雨樓臺晚
更濃

赤壁圖

吳師道

草荒殘壘怒濤秋遙憶英雄涕自流風火千年
消伯氣江山一幅掛清愁丈夫不學曹孟德生
子當如孫仲謀機會不來形勝在狂歌吊古謾
悠悠

壬辰十二月車駕東狩後即事

元好問

翠被葱葱見執鞭戴盆鬱鬱夢瞻天只知河朔
歸銅馬又說臺城墮紙爲血肉正應皇極數衣
冠不及廣明年何時真得攜家去萬里秋風一
釣船

又

慘淡龍蛇日鬪爭干戈真欲盡生靈高原水出
山河改戰地風來草木腥精衛有冤填瀚海包
胥無淚哭秦庭并州豪傑今誰在莫擬分軍下

井陘

又

鬱鬱園城度兩年愁腸飢火日相煎焦頭無客
知移突爨足何人與共船白骨又多兵死鬼青
山元有地行仙關西三月書盡絕落日孤雲望
眼穿

又

萬里荆襄入戰塵汴州門外即荆榛蛟龍豈是
池中物蟻虱空悲地上臣喬木他年懷故國野

烟何處望行人秋風不用吹華髮滄海橫流要
此身

又

五雲宮闕露盤秋銀漢無聲桂樹稠樓道漸看
連上苑戈船仍擬下揚州曲中青塚傳新怨寧
裏華胥決舊遊去去江南瘦開府鳳凰樓畔莫
回頭

述時事

天子臨軒授鉞頻東南何處不紅巾鉄衣遠道

三軍老白骨中原萬鬼新壯士精誠虹貫日仙
家談咲海敷塵只將滿眼淒涼淚哭盡平生幾
故人

存道元帥師宗感時及陟遡山竦刀寨
入貢次韻二詩送歸闕戍

微外頻驚羽檄飛將軍三起着戎衣空山狐兔
無藏窟平陸龍蛇有殺機已見趙陀知漢德更
令孟獲識天威此行整頓蠻荒了菁雨瀘烟好
賦歸

又

群蠻連歲開滇中陟遡山前喜掛弓萬里籌邊
穎却虜半生憂國早成翁塞垣烽火方無警幙
府文書已上功奏賦歸來五雲閣漢廷不獨教
嚴終

乙未二月十九日喜雪適間道使賫至

脫脫太師出征詔因賦 袁泮

紛紛朔雪南飛夜萬里山河穩漢朝鉄馬渡江
春陣合玉龍吹海曙光握中天氣正妖氛豁南

國春深瘴厲消最喜天威行爾殺布衣有分樂
漁樵

節婦

王士熙

寒窓機杼泣秋風鏡影鉛雲不汝同明月有光
生夜白貞松無夢妬春紅羅襦舊繡天吳拆線
綺離絃海鶴空陌上行人指華表閉門踈雨落
梧桐

四川張萬戶夫人貞節

貢師泰

白帝樓前巷陌深將軍旌旆正沉沉玉簫聲斷
孤鸞曲綠綺絃空別鶴吟豈是人生輕一羽要
知妾死重千金春風塚上連枝樹只有韓憑會
此心

巴陵女子韓希孟貞節

尚書子婦魏王孫清白傳家節更文諸將已捐
南渡主孤身猶抗比來軍血書夜洒巴陵月烈
氣秋橫鄂渚雲歆弔忠魂無覓處唯應瑤席從
湘君

題張希孟中丞送畢申達提舉卷

虞集

十年七聘不還朝起為飢民夜駕輶嘉樹百年
誰忍伐生芻一東不能招西州華屋交遊少北
海清擗意氣消欲寫濟南名士傳泉聲山影晚
蕭蕭

題文山集後

黃誠性

三百餘年樂育恩晚從科目得斯人崎嶇嶺海
期年國零落瓊毛萬死身諸葛未亡猶有漢包
胥欲泣更無秦挑燈慷慨歌梁甫鬢髮蕭森懼
鬼神

題丁文苑同年哀詞後

黃潛

自別瓊林雨露邊江湖目斷繡衣前禹門尚想
龍初化遼海驚聞鵲已仙烈日秋霜空耿耿重
山宿草正芊芊不才後死知何用坐對諸郎獨
泫然

題汪水雲詩集後

迺賢

水雲汪元量字大有錢塘人以善琴受
知宋主國亡奉三宮留燕甚久世祖常
命琴奏因賜為黃冠師南歸後數往來

臣廬彭蠡之間若飄風行雲世莫能測
其去留之蹟江左之人以為神仙多畫
其像以祠之像至今有存者余至京師
因徐君敏道得水雲集詩凡若干首多
紀其亡國時事讀而哀之成二律以識
其後

三日錢塘水不波子
繫組納山河兵臨魯國
猶絃誦客過殷墟獨嘯歌
鉄馬渡江功赫奕銅
人薜漢淚滂沱知章喜得黃冠賜野服
開雲一

釣叢

又

一曲絲桐奏未休
蕭蕭韶鼓禁宮秋
湖山有意風雲變
江水無情日夜流
供奉白歌南度曲
拾遺能賦北征愁
仙人一去無消息
滄海桑田空白頭

謝甘允從寄東海白亭

虞集

海國練衣雪色明
寄將千里見高情
着隨野鶴渾相稱
行近沙鷗亦不驚
江露滿船歌醉起
爐

烟携袖憶詩成秋風遊子偏愁予誰采蘋花共
晚晴

送袁待制扈從上京

日色蒼涼映赭袍時巡母乃聖躬勞天連閣道
長留輦星散周廬夜屬橐白馬錦韉來驥裏紫
駝銀瓮出葡萄酒從官車騎多如雨祇有楊雄賦
最高

送王叅政上京奏選

二首

馬祖常

滇池細馬踏龍沙叅相朝天路不賒峽裏琴泉

春作乳月中珠樹夜成花三千禮樂尊儒術百
二山河壯帝家魚上禹門無點額直即宣奏日
當衙

又

千官吉日聽宣麻白髮詞臣帝汝嘉池鳳有毛
皆五色蒞珠無樹不三花綠綈詔底書分兩紅
錦囊中字剪霞天路北盤三十六歸時秋月滿
京華

送王繼學叅政赴上都奏選 雅琥

丞相朝天引列曹三千碩士在鈞陶雲開鳳閣
星辰近山拱龍門日月高行殿曉簾張翡翠內
家春酒泛蒲萄經綸自有河汾策敷奏明時豈
憚勞

送張兵部巡視運河

虞集

畫橋水泮動龍舟鴨綠粼粼出御溝使者旌旗
穿柳過人家鳧鴈傍溪浮桃花吹雨春牽纜江
水平堤夜唱籌應有餘波方浩蕩不令歸櫂恨
淹留

送蘇伯脩御史之南臺

雅琥

天上詞臣實草雙乘駟此日蒞南邦梅花路遠
宜逢雪桃葉波平好渡江千里蒼生瞻繡斧十
州使者避旌幢同胞知己如相問已許閑吟老
北窓

送閻子靜廉訪浙西

趙孟頫

翰林華蓋逼青冥憲節乘駟出帝城海內文章
歸渾厚浙西民物望澄清姑蘇落日荷花淨震
澤秋風橘柚明憶向玉墀承澤語早聞黃閣慰

蒼生

送李彥方閩憲副使

陳旅

海濱赤子窮無告帝遣儒臣著繡衣
天祿閣中書灑灑越王山下馬駢駢
魚風滿港捲陰合燕雨飛蕉荔子肥
一道澄清俄頃事使星還向紫垣飛

送杜德常僉憲之河南

施鈞

玉堂學士草堂仙濟世英才間世賢
憂國正操言事年移官又買載書船
風搏渤澥三千水雲

攤蓬萊尺五天更到鳳池春
好處紫薇香煖御爐烟

送莫經父廣憲經歷

虞集

延春閣下承恩日是我經帷侍講時
方擁青編臨綺席遙看朱紱拜丹墀
風微細草鳴珂珮日煖飛花近鬢絲
上憶遠人常軫念莫言南海是天涯

送李唐臣調山南憲幕

成廷珪

潮落寒汀水欲冰酌君何惜酒如澆
人憐狗監

知司馬我喜龍門識季鷹爽氣九秋橫楚澤先
聲一日到江陵君行自厲青雲志斥鷃終慙九
萬鵬

送岳敬德提舉甘肅儒學 趙孟頫

苦欲留君君不住奮鬚躍馬走甘州功名到手
不可避富貴逼人那得休春酒葡萄歌窈窕秋
沙首藉飽驂駟儒冠也有封侯相萬里歸來尚
黑頭

送吳行可赴汀州總管

七閩南去路崎嶇五馬承恩出帝都地氣喜聞
今有雪民生寧似昔無襦山城酒美傾鸚鵡旅
館春深聽鷓鴣他日相思應恨恨離筵不忍賦
驪駒

送錫縣尹赴山後白登縣任 雅琥

使君出宰近龍沙芳草凄迷是縣衙五月山溪
猶積雪三春庭樹不開花往時烽火通秦塞今
日弦歌屬漢家聖代行將徵卓茂莫嫌白髮負
年華

送靳尹

李孝先

秋風吹女鬢成絲移病還家竟不疑官是伯強
曾補處身如元亮已歸時青山老去渾相識黃
菊平生最受知我亦相從上吳會夕陽騎馬看
殘碑

送張仲舉赴金陵郡學訓 潘純

攻苦食貧三十年才名不讓古人先一經遠赴
招賢幣千里寒移坐客氈書擔曉爭京口渡布
帆春上石頭船秣陵秋色秦淮月夜夜吳山几

案前

送吳允中赴桃温萬戶府學正 張翥

遼水窮邊年蓋東鎮人今始識儒宮詩書直化
三韓外文軌須令萬國同集度塞雲秋有雪齧
翻海浪晝多風知君回首神州路一抹青山落
照中

送燕將軍出獵 薩都刺

將軍一戰山河定雲漢昭回玉帳高柳外解鞍
春洗馬月中飛箭夜鳴鵬呼鷹走狗清時樂斬

將奉旗舊日勞白面宮宦催賜酒漢庭不數霍
嫖姚

送瓊州萬戶入京

秦不花

海氣昏昏接蜃樓颶風吹浪蹴天浮旌旗晝捲
蕉花落弓劍朝懸瘴雨收曾抱烏號悲絕域却
乘赤撥上神州男兒墮地四方志須及生封萬
戶侯

送姚子章之浙東帥掾

姚文煥

海右桓桓大府開望中雲氣近蓬萊借籌底用
平蠻策草檄須煩倚馬才玉節旌旄江上見明
珠翠羽日南來遙知博望沙頭月為照乘槎萬
里回

送文郎中赴交趾

柳貫

天子龍飛統萬邦玉符封檢下殊方遠人盡是
雕題獠奉使唯應粉署郎翦翠飛時銅柱濕鷓
鴒啼處石門荒炎風苦雨煩玃重萋葉擯柳取
次嘗

送省郎楊耀卿使雲南

李材

飄飄使節出金閨郭隗臺前暫解携天入五溪
無鴈到地經三峽有猿啼子雲舊里風烟在太
尉家聲日月齊後夜客槎何處望秋河迢迢碧
雲低

送伯生使蜀

吳全節

送別應思舊所經秦川花柳短長亭三峯高拊
仙人掌萬里先占使者星錦水東流江月白潼
關西去蜀山青當年不盡登臨意待汝重鏤劍
閣銘

送伯生代祀還蜀用袁待制韻

王士熙

蜀道揚鞭舊險摧家山遙認碧崔嵬春香暫別
金鑿去題柱真乘駟馬來柯罷汾陰迎漢鼎路
經驪谷吊秦灰歸釐宣室虛前席不似長沙遠
召回

送唐尊師祀武當

楊炎斯

龍袞分香下絳霄羽人承詔出清朝星臨翼軫
南垂闊神降虛危北極遙金殿壓雲開紫氣玉
臺和月合瓊簫蕃釐更為吾王祝下國時豐雨

露饒

送姚利用入京

鄧文原

雪晴川淨駕飛旄
舟入河水二月開
壯士不緣彈缺去
故山曾見爛柯來
上林淑氣催花柳
盛代英雄擢草萊
青眼諸賢如問訊
為言衰病懶登臺

送達公之京

錢惟善

龍飛天子中興年
使者弓旌集俊賢
閭闔早朝班玉笋
瀛洲夜直賜金蓮
五經同異須劉向
三絕才名數鄭虔
黼黻當年遺老在
長歌黃鵠送樓船

送陳文理還京

貞怡然

十年不見老元龍
髯鬢蕭蕭帶朔風
萬里關河秋月白
九重宮闕曉雲紅
功名有分皆身外
聚散無憑似夢中
問我能來定何日
移家今在五門東

送歐陽原功謁告歸劉陽

虞集

曉捧新書進御床
解纓隨見濯滄浪
歸鴻不計

江雲閣倦驥空懷野水長竹簟暑風鳧夢遠茶
烟清晝鬢毛蒼籃輿千里宜春道投老相求訪
石霜

送原功大監南歸

吳全節

漸覺文星闕下稀奎章兩見送行詩渭城朝雨
歌三疊湘水秋風賦九疑國典紬金藏鳳閣詞
臣步玉即龍墀席前時有蒼生問可向江南又
別離

送許魯齋歸山

張易

諸相纍纍入省闈先生何事獨西歸心隨道隱
貧非病老得身閑名亦稀行色一杯燕市酒春
風二月楚山薇到家已及蠶生日布谷催耕隴
麥肥

送元復初

陳益稷

江流脉脉草離離黃鶴磯頭酒一危報國寸心
憐我老論交半面識君逢正當重鼎調梅日又
是長亭折柳時滿載詩書歸路穩鳳城依約更
相期

賦得飛鴻送胡則夫

楊載

年年客裏見飛鴻成陣成行上碧空
杳杳江湖尋故侶蕭蕭蘆葦下新業
翱翔已出雲霄上飲啄寧來沼沚中
今日似君歸去好扁舟一葉起東風

送同知任君玉西歸

蘇天爵

薔花曾見照青春今日都門又送君
入蜀使迎新太守渡蘆人識舊將軍
琴聲彈落巴山月馬首披開蜀國雲
見說西州民事簡客來多誦長

卿文

送袁德平歸越

王士熙

平湖如鑑淨秋波禹穴回風捲薜蘿
狂客有船都載酒道人無字不籠鴛
床頭舊笏青雲近窓下殘編白雪多
燕市塵深拂衣去海門何處問漁簑

送沈弘歸湖州

祝蕃

不到湖中今年幾回夢
遶白鷗邊年姚二老風流盡文趙諸公
甲第連頗覺筋骸非往昔已

拚文字讓時賢沈郎歸去如相問為說晴江有
釣船

送危伯明教授南歸

章士熙

鯉魚吹浪柳花香春水還乘日計航天外青藜
歸太乙人間華髮老文昌疾風筆陣關生練細
雨書談校底囊好為聖朝宣教鐸育才取次進
明光

送楊士安歸長安

成廷珪

落魄麻衣不受塵黃金揮盡只清貧新豐市上
酒濯足常曲城南花惱人豪傑謾誇秦逐客漁
樵能話漢功臣清時老去丹心在且把長竿釣
渭濱

送有亨姪還錢塘

貢師泰

嗣宗諸姪仲容賢客路飄零雪滿顛曾為頌椒
留子美却思戲蠟愛僧虔十年江海三杯酒百
里溪山一釣船何日兵戈得休息敬亭春雨共
歸田

送俞伯疇歸湖東

張翥

四明游客住京都旅舍青燈照影孤家信幾番
黃耳犬鄉心一夜白頭烏却携長鋏辭金水直
掛輕帆過鑑湖為問蠡吾王太守別來安穩有
書無

送人歸天台

施鈞

君去卅山伴赤霞忍分書劍各天涯交情十載
共為客歸夢幾番同到家一路暖雲蒸藥氣半
溪流水引桃花金庭好問長生訣莫待秋風兩
鬢華

送金華史學錄回來嘉鴈蕩

青山洗盡泮宮塵三載琴書又問津海關正憐
鷗去遠山深須遣鴈來頻沈郎風月詩俱瘦謝
老池塘草自春莫咲廣文官獨冷長安一日看
花人

送人遷鄞分題得五湖

五湖烟水寄浮萍濟世英雄伯業成故國當年
空鑄像扁舟到處却更名浪花低蕪寒星濕秋
影中涵曉月明別後相思蘋蕩遠西風誰共白

鷗盟

送章生南歸省覲

雅琥

二月寒風捲白沙行人翹首望京華
江村日暮多逢雨山路春深少見花
萊子過庭榮彩服葛翁罷縣富丹砂
送君未得隨君去郢水東邊是
客家

送趙秉彝親迎江夏之官臨川

婀娜新衣錦繡重美人今夕過湖東
一聲鈇笛千家月十幅蒲帆萬里風
孔雀畫屏占貴客甘

崇嘉樹詠先公墨池先動凌雲筆春滿花封賦
更雄

送吳子高還江夏

庚申春予在江夏嘗賦詩送子高之沅
真午子高復來會于京師因求偶而還
復作此以餞

黃鶴磯頭惜袂分京華回首又離群
十年南北兩為客萬里中間一見君
訪舊眼前星落落驚新驚底雪紛紛
歸時莫過臨邛令應有王孫識

賦文

送人還都

李孝光

東西湖水百花洲
行子歸時雪已收
明月可能隨客去
浮雲自足使人愁
重來柳樹應千尺
相見梅花隔數州
我亦高歌望吾子
春風好在仲宣樓

送巨德新

王士熙

渭城秋水泛紅蓮
白雲梁園作賦年
金馬朝回門似水
碧鷄人去路如天
揚雄宅古平蕪雨
諸

葛祠空老樹烟
小隊出遊春色裏
滿溪花朵正娟娟

送臨川謝有源赴閩醫提領

柳貫

一路青山荔子叢
華山西望粵臺東
家風蘭玉庭階上
宮事參苓藥籠中
鷄首去乘潮浪白
蠟房惟映酒旗紅
福州自是炎蒸少
臘雪飛花落半空

送砥平石過天竺兼簡鄧善之

戴帥初

聞說西湖也自憐
君行更是早春天
六橋水煖

初楊柳三竺山深未杜鵑舊壁苔生尋舊刻新
岩茶熟試新泉城中諸友須相覓西蜀遺儒解
草玄

送謨侍者還江陰

張翥

禪裊無塵錫杖青一龕天竺更南屏楊枝偏洒
瓶中水貝葉時繙笈內經舊業池菱秋漠漠歸
舟江樹曉冥冥今朝又作蕪城別何處鍾聲入
夜聽

送復上人遊吳

熊太古

二月鍾陵花滿烟架梁東上木蘭船地浮彭蠡
江聲轉山入姑蘇海氣連千里從師應未晚五
湖為客謾多年遙知後夜相思處坐看中天好
月圓

送復見心住定水

宇文公諒

定水招提鳴鶴東鑑湖歸去泛孤蓬鉢衣不濕
荷花露玉塵遙生桂子風山靜祇看雲自動江
澄莫訝水如空沃洲有約尋支遁還許清談共
野翁

送僧遊廬山

丁復

廬山曹南山水多石梁顛倒掛銀河仙燈夜半
天人落佛屋春深海客過五老芙蓉還好在陶
公揚柳定如何布帆又起江湖興應道西風動
薜蘿

送僧遊浙東

我家浙東海水西巖峯高上起天梯蛇喉尊者
秋歸洞虎背禪師夜過溪曉日桃花山更好春
風藥草路多迷何堪相送寒江上短髮頻搔更

不齊

送僧上天衣寺

施鈞

錫影孤飛下十峯定身分住翠芙蓉岩雲曉伏
參禪虎溪兩晴收入鉢龍香洗供花吟對月清
浮談麈坐依松我來欲遂林泉約金碧樓臺第
幾重

送間間真人謁告歸為二親八十之壽

兼降香名山

趙孟頫

許邁楊羲奕世仙木公金母共長年斑衣歸戲

番君側絳節朝辭玉帝前去去青牛隨紫氣飛
飛白鶴遶香烟大椿自得人間壽八十從今數
八千

送張秋泉還山

上界真人不可招九重丹詔許逍遙已從萬里
開真館又入天台訪石橋紅日玉臺香冉冉碧
雲金水路迢迢何年再覓神州觀芝草琅玕雨
露饒

送戴真人歸天台

雖馬年年塞北遊春風此日送歸舟山中老樹
飛玄鶴江上莎長臥白鷗未許謝公同隱逸肯
容賀監獨風流山陰道士如相會沽取村醪醉
未休

送詹尊師歸廬山

揭傒斯

香鑪峯色紫生烟一入京華路杳然雲碓秋閒
春藥水兩犁春臥種芝田書憑海鶴來時寄劍
白潭蛟去後懸忽報歸期驚倦客獨淹微祿負
中年

送道士薛玄卿歸江東

知君此去漸難招，只在人間已廓寥。
市上有時逢賣藥，山頭何處覓吹簫。
仙岩花落溪流滿，鬼谷雲開樹色遙。
若見漁人應問信，玉京涼月夜蕭蕭。

送妓入道

段天佑

歌舞當年第一流，洗粧今日別青樓。
便從南嶽夫人去，肯為蘇州刺史留。
蘇州刺史番琳館，月明簫鳳下瑣窗。
老鏡寫收却，憐愁絕，潯陽婦嫁得商人已。

白頭

效唐人歸宮人入道

陳安

長門一別赴琳宮，寧復中官促繡工。
紅葉人間無舊夢，碧桃天上自春風。
步虛尚覺神光近，歸院還疑輦路通。
猶有內簾家管在，夜深吹向月明中。

揚州別幹克莊金憲

真師泰

紅日東生綠霧收，海風吹落到揚州。
露分仙掌金盤冷，香動瓊花玉樹秋。
使者乘驄開大府，仙人

人騎鶴醉高樓朝來別我垂楊岸珂珮如雲簇
水頭

別友人

施鈞

別酒相傾別淚流江流亦不為君番片帆今夜
又何處明月滿天誰共樓一馬叫霜紅入葉十
年為客白侵頭莫嫌歸計多蕭索三逕西風菊
正秋

番別京城諸公

李京

蒼龍雙闕鬱岩堯曾侍鴛鴦赴早朝往事都隨
塵衮衮虛名贏得鬢蕭蕭長林豐草空相憶瘴
雨蠻烟苦見招借問都門門外柳為誰番着最
長條

番別凱烈亭卿學士

雅琥

十年帝里共鳴珂別後悲歡事幾多汗竹有編
歸太史雨花無跡染維摩湘江夜雨生青草淮
海秋風起白波明目扁舟又南去天涯相望意
如何

元詩體要卷之十一

元詩體要卷之十二

姚江宋公傳編選

七言律

寄同年宋吏部

泰不花

金鏡承恩對紫微
錦韉白馬耀春暉
漫隨仙仗朝天去
不記宮花壓帽歸
海國風高秋意早
關河雲冷鴈聲稀
嗟予已屬明時棄
自整綸竿覓釣磯

寄李供奉因病不聽詔

元詩卷十一
丹鳳銜書出內廷羽林環衛擁霓旌千官拜舞
開仙仗四海謳歌荷聖情香霧細含宮柳碧日
華遥射錦袍明侍臣亦有文園病臥聽龍墀鼓
吹聲

寄進士也先不花仲實除侍儀通事舍

人

薩都刺

舍人楚楚好容儀立在清朝白玉墀紫袖窄衫
花萼繞黃金小帶荔枝垂綵旗拂柳春班卷宮
漏穿花午仗移朝罷清明無事日芙蓉葉上好

題詩

寄福建僉憲馬叔惠

虞集

荔子枝頭火齊紅高堂紈扇坐薰風湘筠簟冷
魚波合海拍梁深燕雨通絡緯豈知秋袂薄殘
多長憶曉冷同禁城來看花如錦誰道清霜鮮
惱公

寄家太參南歸

林景熙

濱死孤臣雪滿顛水氈齧盡偶生全衣冠萬里
風塵老名節千年日月懸清咳秋荒遼海鶴古

元詩卷上
一
菟春冷蜀山鷓歸來親舊驚相問未忝離離夕
照邊

寄海南故將軍

虞集

海上風來五月秋晚涼應上木蘭舟金盤丹荔
生南國玉盃清冰出北州狂客醉歸花作陣美
人歌罷月如鉤期門舊識將軍面從獵還披翠
羽裘

寄鄂李弟幼霖并寄仲弟次舟

傅若金

弟兄終歲長羈旅南北何時却定居春至數瞻
衡嶽鴈秋來猶食武昌魚每愁年長須經事即
恐家貧廢讀書仲氏應門獨辛苦平安消息近
何如

又

吾親霜鬢日紛紛為客艱難不使聞養老只須
常善飯生兒何必愁能文書同洛下思黃耳心
似河陽見白雲李弟還家報兄好歸期猶恐過
春分

寄史公升

袁桷

故國王孫佩楚蘭春雲涼月倚朱闌玉簫曲越
鶯聲轉金鼎香隨蝶夢殘碧泚波深堪把釣黃
塵風急倦彈冠外家丰采唯在咲我冰盃跨
曉鞍

寄楊飛卿

元好問

客夢悠悠信轉蓬
暮夜殷殷動晨鍾
西風白髮三千丈
故國青山一萬重
沙水有情留過鴈
乾坤多事泣秋蟲
三間老屋知何處
慙愧雲間陸士龍

寄直夫

元明善

巖雲低接使君舟
湘水無波桂樹稠
井冽自涵千古月
絃清誰寫一簾秋
青楓路暗空多夢
白鴈天遙不見愁
聞說匡廬當稅駕
策勲殊未到

滄洲

寄楊仲弘

泚本

老來自愛黃叔度
少日真期魯仲連
高臥獨無田二頃
曳裾誰有客三千
滄波渺渺浮鷗鷺
白日翩翩換歲年
却憶江東楊少尹
劇談終夜不

成眠

寄詹景仁

度嶺梅花玉雪明使君持節五羊城白雲渺渺
思親意滄海悠悠戀闕情秋氣肅時鷹隼鷲朝
陽和處鳳凰鳴山中芝草琅玕長何日歸來掇
絳英

寄曹西雲

楊載

羨君卜宅遠紛麗長把絲綸釣大江
旂縮色枯雲慘慘菱荷聲急雨淙淙
消磨歲月書千卷傲

曉乾坤酒一缸甫里當年遺快在交鋒那肯
懸幡降

寄陳敬初郊九成

張翥

憶昨閭門綰柳條遠煩相送過楓橋
夕陽陌上東西路春水江頭早晚潮
老境此心唯白社英年何處不青霄
詩林別後應俱進時遣郵筒慰
寂寥

寄成居竹隱君

青袍朝士困京華此老蕭閑竹滿家
山壓窮愁

詩強項海枯渴肺酒槎牙商巘未採芝如草彭
澤歸來菊有花孤負江頭理漁事短蓬春雨裏
漚沙

獄中寄何平子

萬石德躬

春風綠草徧天涯恨殺王孫不到家在番有人
書甲子避秦無地種桃花世途多險千金散心
事難平兩鬢華何日脫身塵網好從仙客學
丹砂

寄萬石德躬

鄧紹先

禮樂河汾費討尋郢歌一曲想鳴琴烟花故國
三春夢劍佩空山此夜心天上鳳麟來瑞世人
間風雅起淳音白頭肝膽平生友霄漢相期意
獨深

寄隱士

馬祖常

林下蕭然一病身可憐家計若為親葛衣藤蔓
供山貢菰米蓮房給水珠鶴子見貧能代僕犬
兒知主會憎人清朝日日宮旌出誰說巢由不
肯臣

寄道士甘益謙

江仲偁

梅花滿樹雪晴初短髮經秋不柰梳
匣拂綠塵看古劍朱研清露勘殘書
霜寒楚岫猿聲遠月冷秦關鴈影疎
却憶道人無一事紫雲深處好樓居

寄闕元奎律師

袁楠

雙塔亭亭透夕陽芭蕉深處碧窓涼
江神夜聽光明得天女朝分解脫香齋鉢
午空烏守樹經堂雲冷鶴歸房平生欲結西方社
似怪淵明作

吏忙

寄俊上人

張翥

不見俊公今十年武林番偈竟茫然
茗溪寺已空塵劫滿室燈還有別傳
晒衲石根隨夕照題詩竹裏濕秋烟
何時近一牛鳴地老去山中伴夜禪

寄智及上人

故人遠在越江南何日相尋過海帆
少借禪房一十笏全繕經藏五千函
寒爐撥火宜煨芋夜

月裁詩定倚杉檜結願香歸未得碧蓮花老補陀岩

寄見心上人次韻 三首

自入赤墀青鎖間舊遊禪侶亦闌珊青山只憶招提境白首初癡供奉班馬為空群猶躑躅鳥能求友自關關終期一舸相尋去知在姚溪第幾灣

又

見說錢塘別築城淒涼風景若為情湖堤柳盡

曾遊路石壁苔荒舊刻名老我無能如燭武何人可飲勝公榮沃洲勝會還容續即擬山中隱計成

又

蓮花峯下天香樹吹老西風幾度秋僧寶師真洪覺範詩窮我亦孟參謀文章宇宙千年事身世江湖萬里舟甚欲相期石橋路更須同訪羽人丘

寄同別峯

李孝光

雨洒高城柳散絲扁舟長憶送君時前時書去
惟憑客今日詩成欲語誰脩竹娟娟當石淨歸
雲故故入山逢平生不解求人識慙愧黃金鑄
子期

上秦王伯顏太師右丞相 上官伯圭

今代麒麟第一功勳王師相錫秦封作為霖雨
三農望旋轉乾坤萬國宗龍虎臺前春盎盎鳳
凰池上日溶溶曳裾舊是王門客又侍金鑿入
九重

贈汪水雲

李吟山

青雲貴戚玉麟兒曾逐鑾車入紫闈王母窓前
窺面日太真膝上畫眉時滄溟水闊龍何在華
表秋深鶴未歸三尺焦桐千古意黃金誰與鑄
鍾期

贈孫思順

楊載

天涯相遇兩相知對榻清談玉屑霏芳草謾隨
愁共長青春不與客同歸薰風池館蛙聲老落
日簾櫳燕子飛南浦他年重到日湖山應識謝

玄暉

贈白君舉

鄧文原

崑崙西日水東溟何處東風起獨醒
遠道雲烟今古意行人朝暮短長亭
草鋪平野春如剪花落重門晝不扃
不有茅茨容咲傲終南山色與誰青

贈道士

虞集

神室誰開自洞微紫烟為戶玉為扉
春容澹泊胎仙舞夜景虛明脉望飛
繞指風雷龍睡醒滿

囊雲鐔虎馱歸猶嫌長物煩聞見更上高臺一振衣

贈丹士

神仙有訣鍊丹砂服食三年鬢不華
自有錦囊收曉露何妨玉筮泛春霞
倚松吟咲風生袖采藥歸來月滿沙
肘後方聞多至劑青黏何日到山家

贈寶神清歸隱茅山

翩翩歸鶴自意東又向茅山擬往冬
啄食定依

何處竹結巢應得古時松雪滿空山騎一虎月
明秋水佩雙龍別來彷彿三千歲亦欲還栖第
一峯

贈劉尊師

薩都刺

羽人推轉阿香車童子穿松入翠華天上賜衣
露雨露山中詩錦織雲霞瑤壇紫氣秋橫劔石
室丹光夜走砂擬借茅君三白鶴乘風騎到玉
皇家

贈天台李鍊師

貢師泰

翠蛟青鳳下晴空家住天台第幾重歲久松肪
成琥珀夜深丹氣出芙蓉仙童奏簡騎文虎太
乙懸旗起絳龍昨夜從師到天上故山還著白
雲封

贈大樞上人

鄭茂先

西湖乘興浩無涯蕭鼓豈辭途路賒萬里秋雲
飛錫杖孤城暮雨濕袈裟少年江海宜為客何
處山林不是家此別應頭到廬岳遠公寺裏看
蓮花

次韻國子監同官

虞集

坐隱烏皮屨肉銷諸生應笑懶
邊韶階前老馬隨秋草袖裏遺
編候早朝乞米西隣晨有粥
留家南國暑無綃經明亦是歸
耕好清夢無時萬里橋

次韻交趾偽少保國相丁公文

陳孚

一雨隨車洗瘴烟大鵬還擊水
三千南來未了維摩病北去空
思達磨禪使節尋常銅柱外天
威咫尺玉階前臨岐握手無他
語晉取忠貞照

暮年

次韻章德一

二首

趙孟頫

水色清漣日色黃梨花淡白柳
花香即看時節催人事更覺春
愁惱客腸無酒誰供陶令醉從
人皆笑鄰生狂城南風暖遊人
少自在晴絲百尺長

又

片片飛花欲送春萋萋碧草又
愁人黃蜂釀蜜經營急紫燕銜
泥來往頻才似茂陵非晚遇美

如曲 不長貧久知求富都無益但喜論詩若有神

和家弟誠之韻

段克已

欲歸誰不遣君歸却恨歸來事事違烽火未休家信少山川良是故人稀黃金入手還能散白髮盈頭不肯飛試問春愁都幾許長江衮衮日

輝輝

和老山臞寄弟韻

傅若金

故園兄弟稔相思又客懷歸屢失期司馬却慙

題桂早東方翻恨上書逢都門柳暗愁中見鄉國花繁別後知昨日南橋訪春水望雲回首獨多時

和汪以敬病中作

盛景年

白髮將軍少健強經旬寂寞臥空床涉江問病出城早下馬入門聞藥香深院雨晴蒼蘚合小樓人散綠陰涼家書不到春先暮昨夜新栽白苧裳

酬王昭儀

汪元量

愁到濃時酒自斟挑燈看劍淚痕深黃金臺迥
少知己碧玉調高空好音萬葉秋風孤館夢一
窓夜雨故鄉心庭前昨夜梧桐語勁氣蕭蕭入
短襟

酬虞伯生學士

杜本

滿窓風雨夜沉沉獨對青燈萬古心徒有故人
憐白髮自無奇骨換黃金茅檐暖日雖堪斂竹
簡遺經政用尋豈愧執鞭非所好甘從麋鹿放
山林

答翟文中

張翥

獨對孤燈思往事偶聞疎雨落寒窓愁邊白髮
三千丈夢裏青山十四雙蜀鬼有聲疑訴國楚
鬼無此憶沉江只應詩思如君苦吟斷遙鍾響
曙撞

七月望日思親

許衡

思却千思與萬思音容無復見當時草窓夜靜
燈前語說圃春深膝下嬉將謂百年供色養豈
期一日變生離泰山為礪終磨盡此恨綿綿未

易衰

得家書老母未允迎侍之請有懷而作 葉李

一紙書來淚不禁白雲空有夢相尋孤松歲晚
風霜操寸草春暉母子心漢史保身稱郭泰孔
明言孝子曾參嗟予二事俱成誤三復南陔恨
轉深

懷錢塘故人東應中父

楊載

幾年留滯客京師每憶江邊話別離落魄已甘
心似鐵蹉跎無柰髮成絲草玄思苦無人問彈

多時
缺歌長只自悲滿目塞雲飛去盡倚瑯獨立更

懷翟文中

張翥

君留越甸長懷我我在京華幾夢君佳句每後
愁禪得遠書忽向病中聞船來海口人爭岸兵
滿淮南火照雲今日臨風倍淒斷白頭清淚共
紛紛

舟過清江憶范德機

虞集

歸來海上驚成絲所謂伊人獨繫思千載清風

東漢士百年高興盛唐詩離離宿草秋雲斷采
采黃花夕露滋山水含暉無盡意他生何處了
襟期

又

玉堂風日擅揮毫海上馳驅嘆二毛太傅竟無
宣室召拾遺空署華州曹孤兒衣食交遊古百
世文章墓石高車過不留應腹痛寒泉秋菊賦
離騷

懷方壺高士

成廷珪

塵湖山下足烟霞羨尔方壺道士家雨後放龍
耕綠野日中呼犬試丹砂瓊林一路芝如草碧
澗千年菊有花正欲相陪此深隱半盃分我飯
玕麻

懷舊次韻

龍仁夫

匹練潮頭竚冥飛五雲臺榭暖殘霏坐看殷麥
漸漸秀忽唱吳歌緩緩歸仙井龍驚荒蹕冷孤
山鶴怨舊巢棲畫橈兒女貞元曲空繞年年細
柳磯

懷古寄錙仲禹

仇仁近

吹殺青燈取不眠滿襟懷古恨綿綿
山中空識陶弘景海上難追魯仲連
秦榭月明吟木客漢宮露冷泣銅仙
何時一酌桃源酒醉倒東風數百年

七憶

憶錢塘

張翥

平湖十里碧漪風歌舫漁舟遠近同
天竺雨餘山撲翠海門潮上日蒸紅
傷心花月隨年換回

菟中
目間間委地空白髮故人零落盡
浮生悵望夢

憶姑蘇

讓王城外暮雲黃忍使行人哭戰場
臺上麋遊香徑冷陵頭虎去劍池荒
竹枝夜月歌仍怨尊萊秋風興謾長
不是不歸歸未得五湖烟水正茫茫

憶會稽

千岩秋色徹曾霄憶昔來來使者輶
登袖屐扶

蓬閣醉筵興時赴寶林招山陰客已無春會溪
上風猶送暮燕此恨古今銷木盡西陵窳窳又
回潮

憶維揚

蜀岡東畔竹西樓十五年前爛熳遊豈意繁華
今劫火空懷歌吹古揚州親朋未報何人在戰
伐寧知幾日休惟有滿襟狼籍淚何時歸洒大
江流

憶金陵

昔年曾上鳳凰臺二水三山眼界開六代繁華
春草歇千年興廢暮潮哀燈窓禪坐時聯句山
館仙遊幾引盃最是令人愁絕處夕陽雙燕自
歸來

憶吳興

憶汎苕華溪上船故人為我重番連半山塔寺
藏雲樹繞郭樓臺住水天白榜載歌明月裏青
帘沽酒盡橋邊計籌山下先塋在欲往澆松定
幾年

憶閩中

漫漫際海漲天涯萬里曾乘使者槎
梓澤重尋仙客洞草堂頻醉故侯家人多
熟酒燒藤葉市有生蠻賣象牙安得夢中真
化蝶翩然飛上刺桐花

憶廣陵舊事

君王昔在鎮南年賓客風流日滿筵
上國旌旗分一半層臺歌舞宿三千
豪華遽盡悲離黍彤勝空存慘暮烟
多少楚菟歸未得江流無際海

連天

紀舊遊感興

趙孟頫

二月江南鶯亂啼百花爛熳柳依依
落紅無數迷歌扇嫩綠多情妬舞衣
金鴨焚香川上暝畫船撾鼓月中歸
如今寂寞東風裏把酒無言對夕暉

丁丑三月七日會同年予城南黃清老

曾記城南尺五天重來携手宴同年
春風遠塞葡萄酒明月佳人玳瑁筵
苔上藥闌紅染露鶯

元祐卷十二
啼柳逕碧生烟瑠林十載多離別欲拂金徽思
眇然

省官宴試闈諸公于滕王閣次

從管李子威韻

董彞

盛筵勝地憶關公今日誰知此會同滿座盡為
千里客一時獨借片帆風花搖絳蠟波光上甲
蘸紅螺月影中醉倚闌干送飛鷺蓬萊縹緲五
雲東

貴家招飲不赴

施鈞

我在山林鹿作群君為天上玉麒麟莫將綵樹
燈前燭來醉梅花月下人白屋不生三閣夢青
山那識五陵春行吟每到看松處自有漁樵作
主賓

天使館夜宴却侍姬

傅若金

夜宿安南天使館主人供帳爛相輝寶香燼起
風過席銀燭花偏月照幃王母謾勞青鳥至文
蕭先放彩鸞歸書生自是心如鐵莫遣行雲亂
濕衣

登南岳祝融峯

趙世延

天風吹我躡雲根一覽群山蟻垤紛瀛海波翻
初日上石壇人語半空聞炎荒作鎮荆吳遠元
氣流形天地分何日束書煨芋室孤峯絕頂看
浮雲

登南岳

傅若金

萬壑千峯次第開祝融最上氣崔嵬九江水盡
荆揚去百粵山連翼軫來入樹恐侵玄帝宅牽
蘿思上赤靈臺明年更擬尋春興應及瀟湘鴈

北回

登金山雄跨亭

薩都刺

朱闌六曲倚高秋元氣茫茫日夜浮客去客來
天地老潮生潮落古今愁疎烟水國前朝寺落
日海門何處舟更擬黃昏盡餘興却提燈火望
揚州

遊凌歊臺

蘇敬

千年霸業水東流古寺鐘聲落遠洲
臺榭不興歌舞夢江山空結古今愁
雲開天影飛眉曉霜

落潮痕來石秋幾度登臨倍惆悵夕陽依舊水
邊樓

遊金山寺

成廷珪

放船重到金山寺獨對滄江照髮絲
過客謾驚天險處老僧曾見海枯時
通宵月色魚龍喜絕頂秋深鶴鶴悲
開盡瓊花不歸去妙高臺上要題詩

遊李氏園

雅琥

金谷繁華轉眼非國亡臺榭尚依稀
荼蘼向日

飄香雪蛺蝶隨春弄粉衣
拂景忽驚人易老賞心渾與世相違
花前惆悵流鶉緩欲問東君借落暉

遊南城暮歸和伯器典簿正博博士諸

君韻

張翥

樓閣參差紫氣間微風不動綵雲閑
柳垂禁籞絲千尺水遶宮溝玉一環
春樹鳥聲圓似筦夕陽馳影兀如山
醉鞭緩緩吟歸去燈火城東未掩關

客燕

郭昂

昨夜關入夢遙月明竟斷更誰招
鬢邊白髮愁能種囊底黃金日易消
尺璧自慚投暗室前途何處是青霄
龍沙見說難容客八月尖風徹弊貂

過羊腸坂

元好問

浩蕩雲山直北看凌兢羸馬不勝鞍
老來行路先愁遠貧裏癖家更覺難
衣土風沙歎憔悴夢中燈火亦團圓
寧憑誰為報東州信今在羊腸百

八盤

交趾使還

陳孚

少年偶此請長纒命落南州一羽輕
萬里上林無雁別三更函谷有鷄鳴
金戈影裏丹心苦銅鼓聲中白髮生
已喜歸來身健在夢回猶覺瘴

龜驚

鄂渚晚眺

黃鶴樓前木葉黃白雲飛盡鴈茫茫
禰衡聲在月歸巫峽燈影隨潮過
漢陽更令有塵汗簡冊彌

生無土蓋文章闌干只有當年柳畱與行人記
武昌

正月十四夜宿巢縣

李孝光

旅食荆吳改歲年春風遠道思綿綿青山故遠
周瑜墓明月猶窺亞父泉楚縣城荒唯畫角淩
湖日落有歸船天涯芳草萋萋綠想見登樓憶
仲宣

舟次湖口

虞集

江沙如雪水無聲舟倚蕙葭鴈不驚霜氣隔蓬
纜數尺斗杓插地已三更拋書枕畔憐兒子看
湖燈前慨友生尚有乘桴無限意催人搖櫓轉

江城

澤陽舟中

吳當

百年頭上着烏紗一日江邊踏釣槎病似相如
空有賦貧於杜甫更無家漁歌楚楚蕙葭月樵
笛村村躑躅花事業已隨兵燹盡青門擬學邵
平瓜

又

天地無情泪眼枯故園松菊久荒蕪秋風屋破
樓誰葺春酒家貧祇自沽萬里關山勞夢寐孤
舟烟雨落江湖溼漉龍種空相憶雲漢迢迢不
易呼

夜宿通州楊太史宅

張翥

禁城東下一川平杳杳烟蕪淡淡晴風袞亂塵
羊角轉水披殘凍鴨頭生離居有酒春堪醉小
市無燈月當明還憶故園今夜賞玉人花底共
吹笙

武定橋晚望

赤欄橋下暮潮空遠火踈春暝靄中新月半天
分落照斷雲千里附歸風嚴城鼓角秋聲壯故
國山川玉氣終莫訝時來一長望越吟荆賦思
無窮

小齋漫興

施鈞

世道非時懶曲人小齋容膝且安貧河圖不出
空歌鳳魯史將終遇獲麟重掩松窓低結暝水
行花徑曲流春近來頻得幽窓趣幾夜青山入

夢頻

謾興

貢師泰

客懷寥落鬢鬢對鏡空
慚雪一簪蒲葉野塘
方綠漲杏花春雨正紅
酣心隨斗柄長瞻北身
逐颺車復指南夢覺午
窓人寂寂一雙巢燕自
呢喃

野興

馬祖常

滄洲梅發月生波
屋角寒藤半挂蘿
孤石隱林真侶馬
亂雲渡水恰如鷺
步隨野老逢人少
閒

過隣家有酒多
轉憶淮南種稻熟
夜歸衝雨借田叢

城東觀杏花

虞集

明月城東觀杏花
叮嚀兒子早將車
路從丹鳳樓前過
酒向金魚館裏賒
綠水滿溝生社若
煖雲將雨少塵沙
絕勝羊傅襄陽道
歸騎西風擁鼓笳

杏花落後分韻得歸字

元好問

懶隨能醫病
頰肥鸞膠無柰
片紅飛殘陽淡
淡

不肯住流水溶溶何處歸
煮酒青林寒食過
明粧高燭賞心違
寫生正有徐熙在
漢苑招魂果是非

八月三十日感傷

虞集

宮車曉送出神州
點點霜華入弊裘
無復文章通紫禁
空餘涕淚洒青秋
苑中首菊烟光合
塞外葡萄露氣浮
宸憶御前催草詔
承恩回首幾星周

大都紅門外海子上即事 趙孟頫

白水青山引興多
紅裙翠袖奈愁何
祇從暮醉兼朝醉
聊復長歌更短歌
輕燕受風迎落絮
遊魚吹浪動新荷
餘杭溪上扁舟好
何日歸休理釣蓑

秋夜聞搗衣

露下碧梧秋滿天
砧聲不斷思綿綿
北來風俗猶存古
南渡衣冠不及前
首藉搃肥宛駮裏
琵琶曾泣漢嬋娟
人間俯仰成今古
何待當年始惘然

溪上即事

溪上春風吹柳花，溪頭春水淨無沙。
白鷗自信無機事，玄鳥猶知有歲華。
錦纜牙樯非昨夢，鳳笙龍管是誰家。
今人苦憶東陵子，擬向田園學種瓜。

夢武昌

黃鶴樓前鸚鵡洲，夢中渾似昔曾遊。
蒼山斜入三湘路，落日平鋪七澤流。
鼓角沉雄遙動地，帆檣高下亂維舟。
故人雖在多分散，獨向南池看

白鷗

獨立

鄧文原

數盡飛花一愴然，壯心迢遞夕陽邊。
十年人事空流水，二月風光已杜鵑。
過眼青春寧復得，沈人黃土絕堪憐。
故園尚有平生約，可使蒼苔到石田。

夜坐

釋行已

破帽籠頭獨掩扉，晝灰成篆寫幽情。
琉璃欲黑燈無燄，檝袖正紅湯有聲。
膈盡山中三尺雪，月

斜窓外五更晴江樓誰起夜吹笛忍凍梅花恨
不平

偶書

施鈞

薄宦他鄉是楚囚不堪孤倚夕陽樓東山別後
蕃薇老南國歸來蕙荻愁風月吟身清似鶴江
湖生事拙如鳩鏡中秋老尊鱸美欲買烟波一
釣舟

客中

半生書劍惜分陰誰想飄零素髮侵朋社有盟
鷗聚散客鄉無信雁浮沉潮迴斷岸沙痕淺月
落幽池樹影深歸計未成愁入夢一燈空伴壁

琴

逃禪室與蘇伊舉話舊

丁鶴年

不學楊雄事草玄且隨蘇晉暫逃禪無錐可卓
香巖地有柱難擎祀國天謾詫丹霞燒木佛誰
憐玉露泣銅仙茫茫東海皆魚鱉何處堪容魯
仲連

述慈溪景

張翥

往年使過慈湖上風景依稀可畫傳紅葉樹藏
秋水寺白頭僧渡夕陽船竹林雨過山多筭漁
浦潮來海有鮮藉爾遠公能愛客不妨酬倡酒
樽前

紀夢

楊載

海上綸已有年閒居無事夢朝天蒼龍觀闕
東裏黃道星辰北斗邊盛世只今逢五百前
程何許隔三千楊雄曾奏甘泉賦應有聲名達
帝前

挽歌辭

先文宗

虞集

中天太白貫晴虹頃刻龍飛返上宮萬國共賓
賜谷日群臣忍抱鼎湖弓潛蕃回首金山遠願
命傷心玉几空聖主已頒哀痛詔蒼生有淚洒
西風

挽文丞相

徐世隆

大元不殺文丞相君義臣忠兩得之義似漢皇
封齒日忠於蜀將斫顏時乾坤日月華夷見嶺
海風霜草木知只恐史官編不盡老夫和淚寫

新詩

又

虞集

徒把金戈挽落暉南冠無柰北風吹子房本為
韓仇出諸葛寧知漢祚移雲暗鼎湖龍去遠月
明華表鶴歸遲不須更上新亭飲大不如前酒
淚時

挽文信公

汪元量

厓山擒得到燕山此老從容就義難生愧夷齊
尚周粟死同廵遠只唐官雪平絕塞魂何在月

滿通衢未寒一劍故知公所欠要留青史與
人看

挽卜隣吉亨河南王

陳益稷

哲人萎矣棟梁傾回首西風淡晴零三世功名
今古史百年過客短長亭手扶紅日名猶在身
就黃梁夢不醒記取汾陽舊勛業紫微番種繼
芳馨

挽闕里吉思丞相稷山公 雅琥

五朝勛業著邊陲許國寧拜百戰歸海上樓船

八元詩卷十二
聞鼓角遼東華表識旌旗青門園廢多秋草綠
野堂空半夕暉欲採蘋芳酌椒酒陪風惆悵獨
沾衣

挽忠襄王

張翥

聖主中興大業難元戎報國寸心丹軍中諸將
驚韓信天下蒼生望謝安羽檄北來兵氣肅樓
船南下海波寒老臣擬直詞林筆細傳成功後
代看

挽普大夫

陸景龍

英英正氣鍾河岳赫赫高名照古今十道提綱
徒赤手九原飲恨只丹心臺空鳳去秋雲慘屋
冷烏啼夜月沉珎重遺章猶絕筆令人一讀一
沾襟

哭江州太守李子威

成廷珪

將帥倉皇忍棄城孤臣何以獨支撐尚聞傳檄
誅狂寇猶喜開倉舉義兵千古報君心不死九
江圖像面如生只今丹黑匡廬下彷彿悲風有
戰聲

挽司業李公元禮

貢奎

山立庭紳聳衆觀名高真不愧儒冠文章清廟
藏琛玉助葉烏臺振羽翰譽重朝端知有子貧
憐身後似無官百年耆舊凋零盡展卷哀辭忍
淚看

挽達元帥

楊維禎

黑風吹浪海冥冥披甲船頭夜點兵報國但知
身有死誓天不與賤俱生神遊碧落青驪遠怒
狹秋濤白馬迎廊廟正脩忠義傳詞臣執筆淚

先傾

挽遺山先生

閻復

蕭寺西風捲玉荷月明人影共婆娑誰知別後
驪駒曲便是先生薤露歌野史夜寒冰蠹簡錦
機春暖鳳停梭祗應前日西州路常使羊曇忍
淚過

挽何得之先生

馬祖常

手織烏紗日賣錢全家閒住五湖邊伏生有女
書空在伯道無兒世共憐北市行歌花爛熳西

亭坐咲月嬋娟少微星彩今年暗知是詩隨過
海船

挽張上卿開府真人

雅琥

拜節扶桑泛海查振衣塵世讀南華漢時河上
仙翁傳晉代山中宰相家鶴去玉棺藏寶劍龍
乘金鼎護丹砂芙蓉千騎層城路樓觀參差隔
綵霞

悼笑隱禪師仲容先生

張翥

朱雀橋邊白下門舊遊回首不堪論令威未返

遼東鶴圓澤難招石上菟金刹火餘灰已冷錦
囊詩在墨猶溫南來邂逅逢僧話光浹臨風墮
酒尊

拜范文正公遺像

虞集

企仰前賢歲月深阿衡事業伯夷心義田猶是
當待祿遺像能令百世欽竊誦詩書求彷彿默
嗟人物轉消沉誰人浪謾矜家世看取天平萬
石林

元詩體要卷之十二

元詩體要卷之十三

五言長律

詩律屢變意度則一南朝沈休文輦始尚
排偶音韻相諧屬對精密至唐沈宋又拘
以聲病約句準篇名曰排律杜子美有百
韻是編蓋存其似唐者

正月十一日朝回即事

虞集

宮樹春光合霓旌拂曙來天光臨閣道雲氣轉

蓬萊晝漏沉沉鼓晨尊灑灑盃香霏簾底霧樂
殷發前雷祥瑞儀曹奏珎淳尚食催舞庭分鷺
序效獻過龍媒融雪微生草輕風不動埃老人
南極至王母上方回玉色何多喜金華得重陪
裁詩賀新雨西閣待門開

靈壁石

奎章閣有靈壁石奇絕名世御書其上
曰奎章玄玉有勅命臣集賦詩臣集再
拜稽首而獻詩曰

禹貢收浮磬堯堦望喬雲自天承雨露拔地起
纓拊聲音合衡從兆分巨鼇三島力威
鳳九苞雲辨資乾坎為山填幅員固知興寶
藏不假運神斤書帙侵春潤香爐借宿薰烟光
晴冉冉波影晝泫泫融結繇元化登崇荷聖君
瑞於龜出洛重若鼎來汾柱立尊皇極盤安廣
帝勛詎云陳秘玩因愿獻前聞

壽趙集賢

揭奚斯

集賢大學士趙國公王開府慶八十應制

昭代雍熙日詞林賦頌時紫宸丹詔出甲第五
雲垂裕廟青宮裏王公玉樹枝朝趨陪綺角夕
侍接龍夔際會真難及飛騰已在茲暴公初繡
斧方叔更藩維霜簡驚風裁天官肅羽儀還迎
代邸入竟被漢文知位望濟三少權衡俯百司
每蒙天黼黻直許國著龜鳳鑰廣寒殿龍舟太
液池羽觴春侍宴玉座夜觀基德業前賢繼舜
華後進推高情晞賡受餘事擬徵珪全趙山河
富瀛洲日月逢九鄉看綵服八袞表龐眉皇覽

逢初度殊恩介壽祺黃封中使出玉食內庭移
國老陳嘉慶群公播盛辭禮非前代有施及老
臣宜福祿何人主忠貞百歲期聖心誠念舊政
用作臣規

壽姚承旨

楊載

上帝黃金闕仙人白玉堂
皇猷資黼黻大筆主文章
開氣生奇偉休期際吉康
向朝承寵渥多士仰輝光
盡發琅函秘重繡石室藏
成書侔二典有道述三皇
碩望高天下榮光近日傍
謀謨

須稷契羽翼藉園黃上殿扶鳩杖開筵接蟻觴
九重師道德千載合明良共說論如綉能摧繡
作裳人思興禮樂國待理陰陽舊族名先著高
門慶甚長賜書踰萬卷納笏過三床轉覺勛庸
盛還欣體力強朱顏朝映日素髮曉欺霜已注
長生籙曾傳却老方宜齊周李耳遠邁漢張蒼
松栢深逾秀芝蘭久益芳願公多壽祉仍見子
孫昌

送丘子正之海鹽

珠生滄海底玉韞碧山中夜氣交明月陽精現
白虹有賢蕙重價當代振英風好學由天性能
書至國工知名傳冀北作賦擬河東始欲徵揚
子旋聞薦楮公陰符難獨美遺教實爭雄絕藝
雖宜進奇才自不同交游傾上國掄選屬南宮
鄧禹官初試匡衡對漫通海邦終寂寞學館尚
穹崇已注千人錄當成五典功星辰皆在水渤
澥信浮空把酒歡何限乘槎興不窮文章趨浩
瀚物態入牢籠子必登芸閣吾方守桂叢索居

亦寡陋荒業孰磨礱弗獲披雲霧唯思對華嵩
知音期郭泰流俗易王充江海從茲逝飄飄任
轉蓬

送趙鎮撫

諸葛彞

先世逢昭代軍功信不誣起家從汴水佐武上
灤都將種由來異如公自尔殊生身長七尺襲
爵松千夫華嶽生秋隼池濱出雋駒虎威天下
少馬服世間無手畫三軍勢名成八陣圖握奇
思効古報國欲捐軀重慎機謀定沉雄義勇俱

妙齡當穎脫逸氣應時溟鄉邑初來鎮城居靜
不虞霜晨鍾韻亟月夜鼓聲紆編戶無扃鑄群
倫在覬覦令嚴知約束民阜足懽愉論事資高
識推誠得遠謨從衡司馬法爛熳太公符紫服
垂鞶帶金牌維來繻指麾真肅肅訓練豈區區
燕角彎繁若荆砮利鏃鏗淬刃生紫電拔劍長
青蒲秋獵山崗闌冬行石嶺孤鴈飛驚快鷗菟
走辟狂盧執策親調驥回鞭突殪狐衣圍夔子
錦冒蹙鬪賓饒野曠平如掌群奔捷若抱豈惟

奔殺獲庶以範馳驅盛集開長宴高譚半老儒
酒餘聽節樂歌罷對投壺詩好後人和門閑有
客趨前榮列經史玩器雜璫瑜臨帖朝揮筆看
書夜照珠武大雖糾糾見客亦于于好尚今如
此隨從有是夫為能崇雅素自足革驕麓武甸
今知習文風世所敷信曾思孔孟獨耻論孫吳
感激明時用騫騰壯士徒築營開細柳引水種
雕萊皂鷄風中放蒼鷹雪裏呼望雲思海曲乘
月坐庭隅瓜代何云急矛戈植鞭蘆荷峯知不

遠旗旆促歸途儒服成謠頌黎氓重嘆吁始
居鎮守綽爾見規模賤子便荒僻平生惡嘒嘒
耕芸常荷鋪著述或操觚學問勤三省才名愧
八厨濟時雖有志晦迹遂如愚沙際榆林斷江
頭柿葉枯銀瓶持別酒玉盃點凝酥轉權愁看
燕鳴過恨聽烏短吟依遠寄好在五雲衢

寄福建杜廉訪使君

范梈

集府群工表言官百世公君王咨稷高臺閣起
黃龔吳越聯閩服蠻夷偃漢風九州諸道右一

柱萬流中虎豹精神肅豺狼道路通青冥行動
銚白日貫精忠斧繡飄秋集泉阿達夜蛩壺水
元自潔瘴雨不勞空賤子嗟何幸微心逝盡躬
望來方切切告別匪匆匆祗為文科重尤慙祖
餞隆客蒐銷海鷁病骨碎溪蟲謬敢辭王事私
嘗泣老翁髮綠思母白顏每應入紅尚俠彛倫
薄其如綠卷豐以茲三逐撫猶獲二天蒙上幘
刑雖簡滄洲道未窮請將心萬疊寫入嶧陽祠

寄王繼學

楊載

聖主敷皇極元臣建上台虛心求俊乂削迹去
奸回拜命超凡品知君秉大材淳風隨日播公
道應時開負鼎資烹飪操刀貴朝裁銛鋒行肯
繁異味合鹽梅廟議常參決朝班復共陪艱難
須欣助豁達遠嫌猜遺佚聞風起英豪接踵來
經綸非董賈蹕藻亦鄒枚在野思羅致盈庭想
穀推既將龍作友惡假鴉為媒走也今留此公
平可念哉執竿猶海上扶耒即岩隈自守幽人
意寧虞俗子哈舊遊舜玉府故事燬金臺落魄

元符卷十三
七
江湖阻蒼茫歲月催丹心徒耿介素髮已毳毳
勿謂交如水能忘耻及墨飛黃當駕馭猶足異
駑駘

贈魏虛舟少府

西蜀文章伯東吳閹閹家族傳貞觀舊蜀繼信
陵遐雅度人難測高名衆共誇為楨材不小韞
積玉無瑕鳴鳳占諧吉乘龍偶契嘉三沐邀納
笏萬弩護排衙世賞官仍及朝參寵復加天顏
乘眷顧地肺後光華緩步方鳴玉高情欲送

番然歸翠麓如尔奉黃麻彭澤還栽柳河陽不
種花投閒消日月訪故略烟霞鴈蟻常開宴春
魚每看义興來恒放逸賓從任喧譁閣靜寒珠
箔窓虛闕綠紗琴彈多古雅詩就輒妍媸願作
梁間燕徒慙井底蛙執鞭曾莫効抱瑟敢長嗟
戀戀情終在悠悠道若賒春風吹去旃翹首又
天涯

七言長律

唐以來作七言排律者甚少其音律和協

體制整齊者獨杜子美送鄭著作及清明
二首耳王仲初寄韓侍郎等作次之今來
格調近唐若所錄者亦不易得也

御溝

宋鑿

泱泱穿雲出澗初千迴百折到皇居行人不敢
來飲馬稚子時能坐釣魚內史府前晴澗瀆雲
巖觀後晚舒徐波漫略約通丹禁風飈軒輜動
翠裾三月霏烟着楊柳九天涼露濕芙蓉荒塘
莫說流紅怨自是清漣解起予

次韻宋顯夫

虞集

御溝雪融三月初鳧鷖鴻鳩愁來居葡萄水綠
可為酒楊柳條青堪貫魚迤邐天河起箕尾澗
瀆雲海浮青徐舟前花落傍飛燕堤上風來濕
舞裾翠輦時留金驥裏錦波不着玉芙蓉臨流
宋玉偏能賦莫待東都客問予

次韻杜德常博士

祕閣沉沉便殿西頰年立此聽春鷓風搖翠岸
新生柳雨浥銅池舊芝玉凡由來常咫尺

門此日遂棲遲申生欲去柴車在杜甫長吟雪
鬢垂墨沼游魚翻宿藻盡簷飛燕背晴絲山中
竹簾清如水應夢釣天九奏時

題康里子山尚書凝香小隱

群玉府中香滿袖凝香亭裏看花開綵雲近席
微風動紅日當窓好客來西海珊瑚階下長東
家蝴蝶雪中回竹深每聽尚書履池暖時分太
液杯鳳味浮烟金錯落鷺群浮水白毡毳人間
應得函封帖青李來禽繞舍栽

送張可道嘉定府太守

成廷珪

秦中百二漢關河曾記乘駘舊所過棧道地形
天下險嘉州風物古來多分符又協三刀夢入
境先聞五袴歌父老扶筇親引道將軍負弩疾
揚呵錦袍錯落金為帶白馬連翩玉作珂興學
固當崇俎豆防邊遠為戢干戈四川盡省勞詢
問一郡蒼生望撫摩樓倚青冥來萬境山橫紫
翠接三峨題詩別館魚堪寄退食公堂雀可羅
四蜀考功當第一他山有石為君磨

五言絕句

絕句五言語短意長一唱三歎近體中之
家為近古者也蓋亦只是律詩結尾四句
謂之小律含蓄無限意思讀者宜深體味
之

春日

劉因

游絲困無力欲起重悠揚芳草落花滿相思春
晝長

牧廢苑

趙孟頫

一片中原地紛紛幾戰爭至今將不去留與後
人耕

龍口岩

峭石立四壁寒泉飛兩龍人間苦炎熱仙境已
秋風

石鼓嶺

胡助

經過石鼓嶺不見石鼓文兩澗流黃葉半山生
白雲

秋江

范梈

雲裏衡陽鴈網下武昌魚石門秋共遠江樹雨
餘疎

遠浦帆歸

揭溪其

冥冥何處來小樓江上開長恨風帆色日日誤
即回

烟寺晚鍾

朝送山僧出暮喚山僧歸相喚復相送山露濕
人衣

江天暮雪

孤舟三日住不見有人家昏昏竹籬處只恐是
梅花

山市晴嵐

近樹參差出行人取次多板橋雙路口此是幾
回過

江州庾樓

賀復孫

宿鳥歸天盡浮雲薄暮開淮山有數點不肯過
江來

烟蘿境

虞集

玉女乘烟霧松間采薜蘿飛行了無迹明月送
空歌

漏舟

春水如天上秋潭見月中如何列禦寇猶欲待
冷風

紫霞滄洲

洞裏琴鳴澗洲前棹入雲擬尋雲谷叟同訪武
夷君

無倪舟

三周華不注水影浸青天不上銀河去空明擊
棹還

觀心

烟烟燈番室微微息若存卻探當月窟俯察識
天根

蘭在

彭炳

蘭在在楚澤蘭在在楚山古人見心易今人見
心難

白鷺

李祁

翛然雙白鳥近水立多時
慣識幽人意相看愁不疑

御馬

揭傒斯

朱纓金絡轡黃帕錦鞍韉
神閑意更逸初下赤墀前

錢選宮人圖

安熙

露冷月華白悠悠方寸心
夫君渺何許悵望碧雲深

太白酒船圖

趙孟頫

瀟灑稽山道風流賀季真相思
不相見愁殺謫仙人

秋山行旅圖

老樹葉先雨浮嵐翠谷流
西風驅背客吟斷野橋秋

河梁泣別圖

虞集

落葉滿長安秋風漢節還
裁詩寄歸鴈三月到天山

宣和墨竹寒雀

灑墨寫琅玕深宮春晝閒蕭條數枝雪不似紇
干山

汪華玉子昂蘭石

海內出珊瑚枝撐碧月孤鮫人拾翠羽泣露得
明珠

又

抱玉下天河繞叢秋露多天寒翠袖薄日暮欲
何如

信上人春蘭秋蕙

揭莫斯

幽叢不盈尺空谷為誰芳一徑寒雲色滿林秋
露香

題松雪竹石

李孝光

幽篁碧情梢白石白粼粼帝子吹笙罷月明愁
殺人

子昂畫

汀州木葉下斜日倚湘娥我欲採芳草洞庭秋
水多

倪氏雨竹

落日楚江深
鷓鴣啼遠林
相思不可見
池上寫春陰

段氏扇子

江上竹枝歌為君
顰兩娥
秋風團扇底
零落黛痕多

甄慧腐瓜行蟻圖

虞集

瓜腐來螻蟻
梧生致鳳凰
荒園空宿雨
阿閣自春陽

雙鴛圖

戩翼石梁陰
秋風日夜深
使君莫行野
江水蕩人心

畫扇柳蟬

不食遂終日
長吟亦老翁
金盤九秋露
玉樹一絲風

畫鴨

春草細還生
春雛養漸成
茸茸毛色起
應解自呼名

畫鷹

李祁

勁翻排霜戟天寒氣轉驕草間狐兔盡側目望
青霄

孫安之松楸圖 趙孟頫

墳墓在萬里宦遊今五年誰人無父母掩卷一
潸然

柯敬仲雜畫 虞集

雨過蒼苔石雲生野岸泉幽懷春冉冉稚子秀
娟娟

又

鐵石餘生色冰霜作曉妍春雷明日起何處尚
龍眠

又

雨過黃陵廟蒼梧雲正愁何時倚虛幌對此滿
林秋

又

峽口春雲重江南夜雨多水深桃葉渡風急竹
枝歌

熊太古畫

海內此亭古幽村春事多扁舟歸未得江上已
生波

過釣臺

趙蒙齋

君因鄉相隱我為利名來羞見先生面黃昏過
釣臺

獨夜

趙孟頫

秋風動林葉夜雨滴池荷孤客睡不着亂虫鳴
更夕

望鄉臺

楊維禎

望鄉臺上客秋至望鄉關中原遮望眼可柰咽
支山

飲馬窟

長城飲馬窟飲馬馬還驚寧知鳴咽水猶作寶
刀鳴

姮已圖

小白竿頭血新圖入漢廷宮中雙燕子齊作牝
鷄鳴

胭脂井

昨夜韓擒虎金陵奏凱迴井中人不死重帶美人來

焦仲卿妻

生為仲卿婦死與仲卿齊廬江同樹鳥不過別枝啼

朱崖令女

關珠爭兩死兩死獨誰當關吏不垂泣青天鴈兩霜

連理枝

主家連理木昨夜一枝零野藤沿別樹相托萬年青

玉鏡臺

郎贈玉鏡臺妾掛菱花盤安得咸陽鏡照郎心肺肝

纜舟石

江邊纜舟石纜解不留痕長恨浮萍草難合結縷根

聞過鴈

樓頭聞過鴈隻影不成雙
一夜狂夫夢相思到
九江

夜彈瑟

靜夜彈湘瑟扁舟在鶴灘
九峯江上見渾似九
疑山

玉蹄騶

銀腦玉蹄騶金鞭問妾家
窓開桃葉渡小艇在
荷花

女蔓草

言作女蔓草不作天羅瓜
女蔓纏樹死天蘿挂
西家

子夜吳歌

隨塵波欲連紅心草已生
朝來夾城道流車如
水行

自君之出矣

自君之出矣燕去復燕歸
思君如荔帶日日抱
君衣

又

自君之出矣草青復草黃思君如魚鱗夜夜守
君房

桂水五千里瀟湘雨氣空衡山七十二望見女
崔林

英峯

又

珠來

又

南樓

康節像

地前

陳搏像

飄飄扶搖子脫世一蹤輕何預家國事饒舌紫
皇星

蘇子瞻像

貢師泰

老龍起深夜來聽洞簫聲酒盡客亦醉滿江空
月明

六言絕句

絕句六言始於漢司農谷永之作其說具
項平菴家說中自唐王維效曹陸體賦之
其後諸家往往間見而必前兩句對起後

兩句散結或有四句皆對者皆不對者

聶空山畫扇

虞集

客來山雨鳴澗客去山翁醉眠花外晴雲靄靄
竹邊秋月娟娟

山水扇

宋本

野屋不知今世山色似含古春冬寂渾無啼鳥
蒼寒略有行人

秋江釣月圖

趙孟頫

塵土染人衣袂烟波着我船窓為問行歌都市

如何釣月秋江

二畫

祝著

斷岸蒼烟喬木小橋野店村春一曲晚風樵唱
脩然林下相逢

又

疊嶂半空懸瀑平林隔岸層臺風雨一川烟浪
扁舟何處歸來

江邊

李孝光

江邊孤樹猶碧天際白雲自流七十二灘浩蕩

夕陽照見歸舟

危太朴雲林圖

丁復

天台萬八千丈雲林三十六峯幾載山中獨憶
今朝江上相逢

墨鴈

趙孟頫

鴻雁栖栖遵渚黃蘆索索鳴秋羨殺承平公子
筆端萬里滄洲

送高中丞南金

康里夔

鷓鴣洲邊明月鳳凰樓下清風人物江山兩絕

寸高不為時容

何得之先生故看

揭奚斯

可憐古井門外依舊鍾樓屋西何處高吟痛飲
黃花翠竹都迷

又

心事巢由以上文章陶阮之間千古高墳保下

白雲明月青山

又

軋軋機聲日莫依依楊柳春柔膝下中郎小女

曾聽唱我高郵

又

頭上烏紗分贈篔簹中編楮相醺不道別時長別

誰知愁是真愁

又

屋上青山未老門前白鳥常新他日咎夔稷禹

安知不是斯人

七言絕句

絕句者截句也句絕而意不絕是煩就簡

最為難工有截律詩前後四句或截前四句後四句至有截中二聯者必運意活動有含蓄不盡之思承接之間更加轉換宮商自諧雖止四句有餘味焉

蘄門雜興

何物愁來白髮生月高霜冷正參橫一聲寒角城涯起吹盡梅花怨未平

吟人

滕賓

吟人瘦倚曲闌干酒醒香消午夢殘燕子不來

春社去一簾疎雨杏花寒

絕句

趙孟頫

春寒惻惻掩重門金鴨香殘火尚溫燕子不來花又落一庭風雨自黃昏

又

湘簾細織浪紋稀白苧新裁暑氣微庭院日長賓客退滿池芳草燕交飛

又

梅花半落雪飄零楊柳青青江水生一夜東風

吹鴈過江南江北總多情

又

庭槐風靜午陰多睡起西窗日影過自咲老夫
無復夢閒看行蟻上南柯

又

范攄

幽人不出戶長開看盡春風長綠苔多謝有情
雙燕子暫時飛去又飛來

又

馮翼

竹外斜陽賣酒家雨餘紅杏壓枝斜天涯無限

傷春意自向風前拾落花

偶書

孟希

錦衣公子馬如龍射鴈歸來半醉中過盡好春
暉不管揚鞭閒弄柳花風

南歸偶書

余闕

帝城南下望江城此去鄉關半月程同向春風
折楊柳一般離別兩般情

又

二月不歸三月歸已將行篋捲征衣疲勤為報

家園樹緩緩開花緩緩飛

春晴

劉辰翁

江柳長天草色齊新晴何物不芳菲無因化作
千蝴蝶西蜀東吳款款飛

又

新燕池塘綠雨肥初晴未暝日光微角巾猶帶
花稍濕終倚闌干見絮飛

春日雜詠

徒單公履

東風簾幙半塵埃歌舞臺空晝不開試問雙飛

新燕子今年社日為誰來

春日戲成

王沂

東風吹草綠茫茫陌上行人指北邙千古英雄
成底事銅駝依舊臥斜陽

春日即興

趙孟頫

春陰柳絮不能飛雨足蒲芽綠更肥正恐前呵
驚白鷺獨騎款段繞湖歸

春日絕句

伯顏子中

幾片殘紅點客衣小溪流水鱖魚肥盡橋盡日

無人過楊柳青青燕子飛

秋思

孫存吾

鴈落西風字字沉嫩涼偷入藕花心眼前多少
關心事付與寒蟬徹夜吟

四景

春

張天師

初日暉暉照翠苔庭前昨夜碧桃開一簾香霧
微風動知是仙人騎鶴來

夏

深院綦聲日正長博山添火試沉香道人鞭起
龍行雨帶得東潭水氣涼

秋

天際涼風似水流山中瑤草不知秋黃庭讀罷
無餘事鐵笛一聲閒倚樓

冬

養就還丹不怕寒獨騎黃鶴上雲端咲談借得
天家雪散作琪花滿石壇

到京

楊載

城雪初晴薺菜生
閒門深巷少人行
柳邊聽得黃鸝語
此是春來第一聲

赤壁

龍仁夫

陪呂推袁虎視耽阿瞞
氣勢捲江南
磯頭一霎東風轉
天下江山自此三

博浪沙

陳孚

一擊車中膽氣豪
祖龍社稷已驚搖
如何十二金人外
猶有人間鐵未銷

潯陽

范梈

露下天高海月明
行人西指武昌城
扁舟未到心先到
臥聽潯陽鼓鼙聲

老鼠關

陳孚

春風又送使旄還
咲掬清波洗瘴顏
從此定知身不死
生前先過鬼門關

陵母墓

太傅功名半紙殘
百年人子痛如山
緣何方寸非徐庶
忍死慈親一劔間

漂母墓

英雄未遇亦堪羞一飯區區不自謀莫嘆千金
酌漂母漢家更有頡羹侯

范增墓

七十衰翁兩鬢霜西來一咲火咸陽平生奇計
無他事只勸鴻門殺漢王

露筋廟

白鳥飛空萬箭攢玉軌一夜粉痕乾殘碑不用
誇筋露要露平生鍊肺肝

姑蘇臺

貢師泰

當時何事太情多不悟危機出苧蘿一夜月明
天似水吳王臺上越王歌

孝友堂

范梈

堂前多種紫荆枝堂下能啼白髮兒但恨後來
風雅廢南陵不似古人詩

陳平章席上題琵琶

龍仁夫

老大蛾眉負所天忍將離恨寄哀絃江心正好
看明月却抱琵琶過別船

甄氏訪山亭

陳觀

水流花落石生雲日靜風暄草欲薰老去風流
猶未減一丘一壑要平分

揚州客舍

余闕

平山堂上折楊柳小紅樓下買梅花一年兩度
揚州客人似鄉閭店似家

又

船頭澆酒祀神龍手擲金錢撒水中百尺樓船
雙夾櫓唱歌齊上呂梁洪

瀟湘夜雨

遠寺孤舟墮渺茫雨聲一夜瀟瀟湘黃陵渡口
風波暗多少征人說故鄉

杜陵浣花

趙孟頫

春色薰人苦不禁蹇驢馱醉晚駸駸江花江草

詩千首老盡平生用世心

青山白雲圖

黃潛

十年失脚走京塵忘却青山與白雲忽見畫圖
疑是夢落花涼葉思紛紛

蘇李泣別圖

李竹所

我去君留可奈何明朝烟雨隔關河當年胡婦
分携處想見中郎淚更多

昭君出塞圖

虞集

天下為家百不憂玉顏錦帳度春秋如何一段
琵琶月青草離離詠未休

明皇擊梧圖

李俊民

不使梨園弟子知太平音在鳳凰枝一朝野鹿
銜花去長恨秋風落葉時

明皇吹簫圖

楊維禎

廷臣諫疏不須裁笛譜新番阿濫堆揀得漁陽
雙玉瑄紫雲吹斷鳳凰臺

吳王納涼圖

甘立

六月長洲水殿涼酒酣揮袖倚新粧芙蓉露冷
秋雲薄回首西風響舞廊

又

百頃芙蓉水滿堤綺窓只在畫橋西羊車薄暮
過湖曲驚起鴛鴦不並棲

美人圖

徐秋雲

玉佩鳴璫照素秋，綠雲扶夢下瓊樓。
瀟湘一片芙蓉雨，珠箔沉沉不上鉤。

秋胡戲妻圖

相逢桑下說黃金，料得秋胡用計深。
不是別來渾未識，黃金聊戲別來心。

閨人望遠圖

范梈

郎行不用苦悲辛，別心知萬事親看取。
江邊垂柳樹，窳先零落窳先春。

四皓圍碁圖

黃潛

當局沉吟只謾勞，區區勝敗直秋毫。
顛羸蹶項非君事，賴有安劉末着高。

李白翫月圖

余闕

春池細雨柳纖纖，手倦揮毫日上簾。
想得停杯江海夜，月明照見水晶鹽。

家藏劉阮圖

楊維禎

兩壻元非薄倖郎，仙姬已識姓名香。
問渠何事歸來早，白首糟糠不下堂。

錢舜舉折枝芙蓉

虞集

白髮多情憶劍南
秋風溪上看春酣
剪來一尺吳江水
擬比千花濯錦潭

水仙花園

陳旅

莫信陳王賦
洛神凌波那得更生塵
水香露影空青外
留得當年解佩人

柯博士墨竹

廿五

嶰谷春深落粉香
拂雲和露倚蒼蒼
月明後夜吹簫過
應是伶倫學鳳凰

張氏風竹圖

陳旅

湘江風捲白頭波
北渚雲深帝子過
欲採瑤芳渡江去
翠杉輕薄晚寒多

題畫

虞集

夢裏江南憶舊遊
明璫翠佩不勝愁
一鈞織月清如水
吹笛何人共彩舟

白畫眉圖

陳旅

隋家宮妓掃長蛾
銷盡波斯百斛螺
化作雪禽春樹頂
遠山無數奈愁何

畫障

虞集

涿陽積雨水生波翠袂黃裳晚棹過珠樹月明
花婀娜鳳毛春暖錦婆婆

曹將軍馬

高秋風起玉關西
暗鐵歸朝十萬蹄
貌得當時第一疋
昭陵風雨夜聞嘶

牧牛圖

揭傒斯

楊妃血染馬嵬坡
出塞昭君淚更多
爭似阿婆牛背上
夕陽一曲太平歌

題風雨圖

許衡

南山已見霧昏昏
便合潛身不出門
直到半塗風雨橫
愴惶何處覓前村

關山風雨圖

張礎

山雨凝寒氣不開
江濤拍岸雪成堆
漁翁慣識風波惡
天際孤舟已早迴

風雨迴舟圖

張孔孫

風雨來時撥棹回
濟川心事有誰知
停舟且做江湖夢
浪靜風恬未是遲

春浦帆歸圖

孟學鱗

涵空水色碧於苔
照眼山光翠作堆
疑是桃花源上客
輕舟天外得春來

題扇

賈雲石

紅旭如鉛海上來
蒼蒼烟霧小蓬萊
東風昨夜醇如酒
吹得桃花滿樹開

元詩體要卷之十三

元詩體要卷之十四

姚江宋公傳編選

七言絕句

書事

劉因

當時一線魏瓠穿
直到橫流破國年
草滿金陵誰種下
天津橋畔聽啼鶻

又

臥榻而今又屬誰
江南四月見旌旗
路入遙指降王道
好似周家七歲兒

又

唱徹芙蓉花正開
新聲又聽揀茶哀
秋風葉落踏歌起
已覺江南席卷來

汾州比席里石氏節婦

陳旅

北里高樓畫掩扉
水銅光冷上苔
衣寸心誓比南山石
汾水秋風鴈不飛

題羅節婦傳後

羅氏之夫照海上有強之為妻者
遂自縊死

歲晚良人去未歸
堂前有客著新衣
此身只為韓憑死
化作鴛鴦海上飛

金陵送友

黃潛

青陽河畔杜鵑啼
歸路如絃定不迷
應到故山叢桂裏
俟人騎馬聽朝鷄

送人歸廬州

貢師泰

淮水春深綠似苔
故人天上恰歸來
扁舟繫在門前柳
猶記行時手自栽

送人遊吳

楊載

客路逢春雪乍消眼前愁思轉相撩垂楊染作
黃金色舞遍東風萬萬條

又

金溝河上始通流海子橋邊繫客舟却到江南
春水漲拍天波浪泛輕鷗

送樊時中

余闕

桃花灼灼柳絲柔立馬看君發鄂州懊惱人生
足離別不如江漢共東流

別樊時中庶使

光祿橋西惜解携春星欲傍露盤低自來宮柳
多離怨更著城烏在上啼

宜春贈別

郭昂

微茫烟浪浦帆開一曲琵琶淚滿腮江水不如
潮水好送人東去復西來

寄達兼善

李孝先

城上烏啼欲閉門瀟瀟風雨近黃昏無端盡角
連雲起鉄鑄梅花亦斷魂

寄朱希顏

城頭鼓鼙兩淒淒舟子牽船上惡溪會南行
回首處兩邊楓樹郭公啼

又

江邊鴻雁下年年客子何由兩鬢玄
七十二灘秋月白荻花風落釣魚船

寄余承慶

楊元正

袞袞紅塵客未歸秋風吹老芟荷衣
幾回欲寄相思字不見瀟湘一鴈飛

贈郭州官

范梈

慈烏夜夜向人啼幾度紗窓亮
魄低自有平安三百字無因却寄大江西

贈月經歷

全晉

楊柳絲絲不繫鞍送君容易別君難
遙知今夜相思處入隔關山月正寒

思親

貫雲石

天涯芳草亦婆娑玉釜淒涼奈我何
細較十年元下淚不如慈母線痕多

有懷

范梈

雨過幽庭長綠苔
東風時為拂塵埃
無人曾見
春來處
門外桃花只自開

懷郭安道

周馳

江南江北路茫茫
明月高樓各異鄉
旅鴈叫雲
天似水
故人今夜洎瀟湘

杏花始開小酌

安熙

杖藜吟遶去還來
收拾春先入酒杯
自是風花
要題品
等閒蜂蝶莫相猜

山家

劉因

馬蹄踏水亂明霞
醉袖迎風受落花
惟見溪童
出門望
鵲聲先我到山家

山行

揭傒斯

稍出群山復涉溪
溪光山色冷相輝
青裾獨踞
溪邊石
不顧行人自濯衣

清明郊行

李孝光

清明處處麥風斜
詩老得閒長在家
遠樹小村
千瓦雪
不知落日上梨花

遊茅山

盧摯

澗邊瑤草洞中花
細水流春帶碧沙
昨夜山瓢酒初熟
道人不暇讀南華

登福山遇僧偶出
黃清老

欲扣禪關未有詩
滿山空翠濕人衣
竹間倚杖到西日
試看白雲歸未歸

又

鷲嶺雲深杖屨幽
竹風松影共悠悠
何人分得僧家榻
坐看南山一片秋

征南口號
杜瑛

春早雲南麥已黃
瀘江蒸霧水如湯
馬蹄半帶陰山雪
變作人間六月涼

發南康赴江州
陳思濟

繡斧重持白髮翁
路人猶說宦情濃
一帆又下潯陽去
羨殺雲間五老峯

移官淮東別杭州

湖上雲烟百態新
湖邊幽趣屬閒身
春風楊子江頭路
白首行人又問津

發通州
貢師泰

日日思歸未有期及歸翻恨數年遲
開船聽得吳歌起絕似閬門送別時

過京口

高克恭

北來朋友不如鴻幾箇西飛幾箇東
多少登臨舊臺觀闌干閑在夕陽中

過三合驛

范梈

一春歸計又蹉跎窮粵風光柰病何
愁有青山千萬疊行人長少鷓鴣多

渡端州峽

擢郎得便泝清流忽報舟前曉霧收
蠻語酬人翻自苦好山不敢問何州

再渡白溝

趙復

瘦馬柴車出白溝河山依舊繞神州
都將百萬生降戶換得將軍定遠侯

過洞庭

唐珙

玉簫吹老洞庭波一夜湘君白髮多
醉後不知天在水滿船清夢壓星河

曉發山館

薩都刺

夢迴山館月西斜
曙色千峯動紫霞
杜宇一聲山竹裂
鷓鴣飛上海棠花

蘭溪舟中

水底霞天魚尾赤
春波綠占白鷗汀
越船一葉蘭溪上
載得金華一半青

巴陵雨中

陳益稷

鷓鴣拂平林
鴈入空黃花
行李老秋風
如何一夜江南夢
盡在巴陵細雨中

下豫州

甘東溪

壯懷忍共白雲閒
孤負僧房屋半間
賣却牢愁三萬斛
載將明月入西山

江上作

吳金節

短棹輕舟幾度過
月明江上竹枝歌
故山歸去青依舊
華髮添來白未多

山寺早起

劉因

松窓一夜遠潮生
斷送幽人睡失明
夢覺不知春已去
半簾紅雨落無聲

雨中睡起

何失

閉門連日雨霏霏一醉誰憂生事微睡起不知
風色暮北窓花氣濕人衣

臥庭

范梈

朝來忽見樹藏鴉碧草無邊徑路斜佳客不來
春雨盡山禽啄遍小桃花

惜花

陳思濟

長恐花殘漫欲狂千回百匝繞花傍高張翠幄
朱闌護山雨溪風未易防

因官伐松

胡尊生

大夫去作棟梁材無復清陰護綠苔只恐江頭
明月夜誤他千里鶴歸來

題赤城站壁

虞集

莫恠扁舟不早歸斜風細雨濕蓑衣天中月滿
江心定贏得閒身在釣磯

友人見訪不遇

黃清老

君乘白鶴下青冥我入春山聽曉鶯可惜小樓
風雨過無人收拾萬松聲

出東城

趙孟頫

野店桃花紅粉姿
陌頭楊柳翠烟絲
不因送客東城去
過却春光恣不知

萬壽宮館舍作

來時殘雪點征衣
落盡庭花尚未歸
夢裏不知身是病
春衫歸路馬如飛

登北邙山

魏家池館姚家宅
佳卉而今來祚薪
水北來南三二月
舊時多少看花人

蘇門聞笛

夢裏繁華醉裏遊
倚天青壁上危樓
梅花衰怨成何事
吹破中原二百州

杭州聞角

聽徹哀吟獨倚樓
碧天無際思悠悠
誰知盡是中原恨
吹到江南第一州

鍾陵聞鐘

中年江海夢靈皇
夜半聞鐘似上陽
一百八聲猶未已
更兼雲外鴈啼霜

東署聞鴈

又別雲林舊草亭江南都邑歲凋零可憐此夜
長空鴈政在青松樹底鳴

日南感懷

陳孚

老母越南垂白髮病妻燕北寄黃昏瘴烟蠻雨
交州客三處相思一夢魂

感事

王中立

雪花如席翔雲低一曲琵琶淚滿衣山色似眉
江似練何時明月送將歸

又

歸來江令頭空白遠道金山淚暗垂關月自低
霜自落尊前莫唱鷓鴣詞

又

長夜漫漫夢不成可堪涼月透疎櫺唾壺敲碎
無人語獨坐空堦看曉星

哭亦周弟

趙文

去日相攜涉畏途歸來形影自相扶倦行小憩
荒山路怕聽深叢叫鷓鴣

哭其謫

杜彥之

交朋來哭我來歌喜傍山家
塋薜蘿四海十年人殺盡
世間埋少不埋多

悼程妻許氏

王士熙

綺窓花雨驢春風寶鏡塵昏
杼軸空三檠未筭兒未冠
忍教夫壻嘆孤鴻

悼隣妓

揭傒斯

西子湖邊楊柳花隨風飄泊
到天涯青春遇着歸來燕
銜入當年王謝家

陶淵明像

鄧文原

詩中甲子春秋筆籬下黃花
雨露伎便向斜川頻載酒
風光不似義熙時

又

彭炳

醉倚蒼江看落花阿舒扶上
短轆車河山萬里皆劉裕
五柳春風自一家

又

貢師泰

烏帽青鞋白鹿裘山中甲子
自春秋呼童點檢門前柳
莫放飛花過石頭

白玉蟾像

虞集

日出扶桑積雪高海空天淨絕纖毫每看劍氣
衝銀漢知是吹簫詠碧桃

自贊題白雲求陳可復所寫像

歸來江上一身輕野服初成拄杖行只好白雲
相伴住天台廬阜聽鍾聲

拗體

拗體乃唐律之再變古今作者不多遇律
之難處必得俊句時出而用之則奇健矣
觀者亦不可不知也存此以備一體

暑夕

范梈

煩暑不能寐望鄉憶宵征開門海月白高枕林
風清不飲畏投轄將歌思濯纓誰家橫短笛吹
盡是閑情

贈周景遠田師孟

趙孟頫

與子同客帝王州一日不見如三秋風高氣肅
鴈聲急天晴日暖蛛絲遊籬下黃花為誰好水
邊紅樹令人愁世間萬事可撥遣日日痛飲醉
即休

趵突泉

灤水發源天下無平地擁出白玉壺谷虛只恐
元氣泄歲旱不愁東海枯雲霧潤蒸華不注波
濤聲震大明湖時來泉上濯塵土水雪滿懷清
興孤

商德符畫幽篁古木

虞集

湘君宮在洞庭湖幽篁古木龍所都石壇雨長
碧苔蘚水屋風動青珊瑚老人歌枕看螻蟻發
婦停舟聽鷓鴣江湖蜀客問來往商公商公今

有無

老松怪栢圖

李材

仙人解衣礪礪羸造化慘淡秋毫端枝柯千尺
入層漢笙籟萬壑鳴驚湍堂中日月不可老壁
上雷雨何當乾我來醉臥北窓下夢跨黃鶴天
風寒

子昂畫馬

鄧文原

奔騰駿骨雲路長瀟灑神鬃風露涼沙場春牧
草肥雨野微秋嘶楓殞霜三關戰士黃金甲五

陵俠客紅絲韁朝羈暮絡祗腸斷華山烟樹遥
蒼蒼

送張思廉歸桐江

成廷珪

讀書不謁萬乘君挾策肯傍諸侯門嘯歌蘇臺
晚山碧濯足洞庭秋水渾千金未易買駿骨一
飯豈足哀王孫風塵拂衣且歸去高臥桐江烟
水村

送入遊武當

郭翼

武當諸峯何壯哉大朶小朶青蓮開玄聖中居
天地戶赤日下照金銀臺神龜六眼電光走山
鬼一脚雲頭來道人再拜望北極應帚滿身星
斗回

送客

李孝光

携手出門倚惆悵比風吹樹丹楓林柵中鷄鳴
天地醒城頭鴈去江湖深行人萬里少歸亭烈
士向來多苦心東西相望道路遠一書會抵雙
南金

送劉好古歸武昌

遊子結束向何處城中雪花幾尺圍去家萬里
多夢見辭親十年今始歸道士吹簫赤壁下行
人泊舟黃鶴磯我亦張帆拂南斗臥看明月去
如飛

送唐長卿赴常州教授

丁復

三茅斷作湖嶼碧常州昇州猶比隣山君化鶴
去問客水鳥嘶魚來獻人釀酒未嫌官舍冷開
倉長恐士家貧絕嗟一槩鳴琴地杏花閉門消
却春

送趙虛一歸金陵

周亮善

真人道眼照九圍芙蓉瑤冠黃錦衣相從雲龍
霄漢上獨携琴鶴烟霞歸南樓吹笛聞折柳北
山杖藜歌采薇明日度関瞻紫氣帝鄉杳杳雙
鴻飛

送張使君棄官學道詩卷

揭傒斯

至元天子朝萬國任丘使君謝宦歸門前未罷
車馬客身上已着朝真衣致君堯舜在豪傑洗
耳巢由何是非栖霞觀裏青松樹唯有白雲終

日飛

贈楊茂才

范梈

西峽淅淅風雨生南塘蕭蕭樓觀清玄禪抱樹
一時靜老鶴懷山終夜鳴放形海嶽等雲水託
好音書猶弟兄未知此別會何日為子商歌無
限情

次韻吳成季宗師赤城陸雨 虞集

人間伏日當早休道上馬車如水流神仙不愁
風雨夕父老已知禾黍秋誰憐司馬父多病唯

有杜康能解憂北溟之鷗六月息載我八極歌
遠遊

次韻剛父無逸游南山 趙孟頫

絕頂清秋凌紫烟登臨應費酒如川平生能着
幾兩屐負郭何須二頃田初日出雲光射地雙
溪入湖波接天升高望遠我所愛青壁無路何
當緣

夜歸

薛漢

有客有客胡不歸長安三見秋葉飛警霜老鶴

夜不寐弔月孤鴈寒無依紛紛北里厭梁肉落
落西山甘葢薇人生窮遠各有命何須終夜泣
牛衣

夜起

張翥

月落未落山四更鷄鳴不鳴霜滿城起看北斗
寒掛地俯聽長河流有聲今夕何夕耿無寐千
古萬古難為情欲持心事出門去哀歌坐待東
方明

阿城即景

荒村無更聽鷄號東方明星出已高寒氣著衣
露零落秋聲出樹風蕭騷文園遊倦苦多病騎
省賦成嗟二七老我茲行亦何事故山西望興
涓涓

壽趙君澤母一百七歲

丁復

南康桂官致仕日北堂夫人長壽身一百歲後
又七歲千歲人中能幾人王母蛾眉曾不老諸
孫鶴髮但重新桐川之水東到海海上蟠桃樹
樹春

寒食節獨出城南

張翥

一百五日官事休城南騎馬雨初收街頭賣餅
又正冷陌上路青人乍遊荒塚烏鳶爭曉祭野
墻桃李自春愁年年一樹思親淚忍付長河東
去流

陽山成簡卿心遠亭

虞集

作亭臨河河水渾草樹遶屋啼鳥聞夢回枕上
彭城南目斷簷前芒碭雲歸來黃菊有佳色坐
老青山無垢氣但願尊中長得酒曲阿莫問舊

參軍

江山覽勝樓

張翥

白雲東南相蕩落中有隱者之飛樓千峯影落
華蓋晚一水寒通彭蠡漚人機杼或聞響山
鬼窟宅疑藏幽為問仙家借黃鵠我欲題詩來
上頭

與陳敬初同舟北遊題餞行卷後

陳旅

我愛天台陳敬初少日彛家即遠圖上書可擬
賈生策入關便棄終軍繻八月官河秋水大三

江親舍暮雲孤名成歸去歲未晚卜鄰有約依
東吳

有懷敬仲伯生

甘立

眉山老仙丹丘生三日不出風雨驚玉文深沉
發竒秘天藻動盪流芳英錦鱗行酒白晝靜金
鴨焚香長夜清秋深病久不得往撫卷悵望難
為情

京城訪曼

薩都刺

城中車馬多如雲載酒問字無一人碧桃花開

光艷艷硯池水暖波粼粼先生楷書白晝靜家
童畫紙烏絲勻落花滿地送客去十年不見收
南春

舟中漫興

劉儼

青天縹緲吹雲衣碧水顛倒插翠微三家五家
村舍出一點兩點沙鷗飛柳枝裊裊拂過艇苔
花斑斑生釣磯風塵不到是樂土莫怪往來城
府稀

舒慵

劉伯迪

二月三月江水西千山萬山子規啼風花委地
不知數野草愁人渾欲迷衙門返樓悲舊燕中
夜起坐待鳴鷄家鄉咫尺無踪跡南國十年猶
鼓鞞

舊屋

虞集

舊屋已屬他人家臨風且復立江沙欲從子雲
訪墨沼更向少陵尋浣花

與袁伯長汎舟

沙禽東去避網羅蕩舟相逐如遠何越山青青

趙女丘從此勞人菟夢多

又

春江風濤苦欲歸東盡滄溟南斗低明年白日
百花靜憶爾琴中鳥夜啼

又

燕姬當壚玉雪清簫中吹得鳳凰聲不及晴江
轉拖鼓洗盞船頭沙鳥鳴

初夏

蕭應元

半清半和白晝長似無似有綠陰香兒童刻竹

記新筭一夜風吹一尺強

懷天錫

李孝光

月子纖纖青海頭使船昨夜過揚州城中高髻
瓊花曲去聽吹簫何處樓

子昂人馬圖

虞集

綠衣奴子十七八面如紅玉牽馬過繡簾美人
時共看堦前青草落花多

牧牛圖

黃清老

平原雨多烟草浮牧童驅牛如挽舟柴門正在

水深處青山流過屋西頭

過信州

高堯恭

二千里地佳山水無難海客官道傍風送落紅
撓馬過春光更比路人忙

歸舟

甘東溪

片帆懸空秋滿腹涼月淡淡天無波平生湖海
元龍意早入西風漁棹歌

又

天壤豈無蘇季子恨我不識韓荆州遙山蒼蒼

暮雲碧何許一箇蘆花秋

揚州客舍

余闕

娼家女兒名莫愁唱歌日日上江樓不是行人
不願聽門外東風好放舟

紫芝道院

滕賓

西風短榻吹黃埃何不隨我遊蓬萊狂歌醉舞
下山去後夜月明騎鶴來

舟過吳江

李孝光

十五女郎可憐生牽挽百丈踏泥行洗脚上船

歌白苧春風吹過闔閭城

淮上作

丁復

昨日水淺雀兒浴今日能勝萬斛舟人生有時
亦如此請看秦淮江水流

春俠口號

楊維禎

金丸脫手彈鸚鵡玉鞭嬉笑擊珊瑚侍兒無賴
有如此知是霍家馮子都

又

花袍白面呼郎神當街花不避人天馬乘龍

金絡腦賈家貴婿正嬌春

又

昨日布衣行九州今日繡衣拜冕旒馬前清道
一千步當街不敢闕高樓

又

朱提注酒酒如池太白淋漓喫不辭上樓更衣
玉山倒腰間帶脫金犀毗

又

蜀琴聲奏雙鴛鴦嶰竹和鳴雙鳳凰夜闌酒醒

不上馬紫荊月墮西家墻

側體

詩家近雖不故唐人不拘律而用側韻古
作多用之其措辭奇健而意味含蓄乃
蟬之攸始故錄此以見其體制之有

自來云

采薇圖

盧摯

服藥求長年孰與孤竹子一食西山薇萬古猶
不死

梁父吟畫扇

元好問

盤礴萬古心塊石一危坐青天一明月孤唱誰
與和

寒夜作

楊奚斯

疎星凍霜空流月濕林薄虛館人不眠待聞一
葉落

長廊岩

趙孟頫

峭岩如長廊下有流泉注山中古仙人步月自
來去

玉簾泉

飛泉如玉簾直下數千尺新月橫簾鈎遙遙掛
空碧

石人峯

巨靈長亘天何時化為石特立千萬年終古無
人識

秋江

范梈

秋生洲渚靜露下蒲荷晚忽憶釣魚時人家楚
鄉遠

瀟湘夜雨

揭傒斯

泔泔暗江樹荒荒楚天路穩繫渡頭船莫放流
下去

洞庭秋月

灑氣自澄穆碧波還蕩漾應有凌風人吹笛君
山上

平沙落鴈

天寒閑塞遠水落洲渚闊已逐夕陽低還向黃
蘆沒

漁村晚照

定從海底出且向平沙照漁網未全收漁舟還
下釣

大千毫髮

虞集

善聽返無聲善視入無覩還將一縷雲散作萬
山雨

晚出順承門有懷太虛

揭傒斯

步出城南門悵望江南路前日風雪中故人從
此去

題曾彥明所藏雨竹

林清源

蒼梧秋雲來寒翠滴不已君看葉上波都是湘江水

斲憇

甘東溪

平生湖海遊南北東西路幾度夢殘時雲深不知處

蘭在

彭炳

蘭在在幽谷行子在岐路蓼虫居蓼中人生不知苦

團扇一

楊維禎

團扇復團扇秋風不相見隱顯各有時陽阿舞雙燕

商婦

蕩子發航船千里復萬里願持金剪刀去剪西江

合歡

朝來作合歡暮作生離泣安得並蒂堅堅侶七姑汁

孟浩然像

貢師泰

白日何茫茫青春方浩浩驢背天風來吹我烏紗帽

偶題

虞集

夏簟琅玕冷於水綠鞵烹魚手操已西風歸燕杏梁深恨不身先貴人死

山峽圖

趙復

蕭蕭十二峯前路月落猿啼霜外樹半夜誰家上水船竹枝歌入瞿塘去

贈連尊師

虞集

廬山連尊師求真陽詩久諾而未作也

一夕夢中得之因書少贈

稽天之浸不可滅焦石之烈不可絕香爐峯頭

按羽節滿山桃花滿湖月

贈陳道士

門外大風脚下起窓前書卷淨如水匡廬道士上清來吹笛數聲明月裏

又

門外大風吹樹倒窓前燒香禮黃老日午誦微
大洞經白鶴隨人啄理草

次韻

東楠

神仙有路非蓬島世上紛紛人自老月明白鶴
未歸來獨倚長松翫理草

龍掛詩

黑雲壓江江水躍垂龍尾掛青旗脚湏更卷水
上青天蝶蜻蜒雨中落

春俠口號

柘林縱獵金毛鷹花街行春銀面馬夜宿倡樓
酒未醒飄風吹落鴛鴦瓦

又

關右新來豪俠客姓字不通人不識夜半酒醒
呼阿吉叶平碧眼胡兒吹筆笛

又

江西美人久不見手把新題合歡扇鯉魚憑送
相思書灞王門前水如箭

元詩體要



Vertical columns of printed text in traditional Chinese characters, arranged in a woodblock print style. The text is partially obscured by the watermark and the paper's damage.

